

卷一



聖學心法序

朕惟古之帝王。平治天下。有至要之  
道。詔訓子孫。有不易之法。載於經傳。  
為可見矣。夫創業垂統之君。經歷艱  
難。其慮事也周。其制法也詳。其立言  
也廣大。悉備用之萬世。而無弊。有聰  
明睿哲之資。遵而行之。則大業永固。



而四海攸寧。災害不生而五福攸萃。若夫昏愚懦弱之主。否塞正路。昧厥鴻猷。沉溺於富貴。狃習於宴安。心志日就於荒淫。根本益見於頹靡。禍亂由茲而起矣。蓋創業實難。而守成不易。求之往迹。昭如指掌。朕承

皇考太祖高皇帝洪基。仰惟肇造艱難。

惕焉省懼。明昭有訓。是儀是式。夫作之於前。則必有以續述於後。不有以繼之。則無以承藉於悠久。雖然。聖帝明王之道。不可尚矣。朕夙夜孳孳。勉求其至。第乏聰敏之資。密察之力。莫能領悟。突與縱觀前代。若唐文皇帝。倡義靖難。定天下于一躬。擐甲胄以

至履弘基而登璿極。其思慮也不可謂不周。其慮後也不可謂不遠。作帝範十二篇。以訓其子。曰。飭躬闡政之道。備在其中。詳其所言。雖未底于精一。執中之蘊。要皆切實著明。使其子孫能守而行之。亦可以為治。終無閔門藩鎮。閹寺之禍。詩曰。殷鑒不遠。在

夏后氏之世。朕常欲立言以訓子孫。顧所聞者。不越乎六經聖賢之道。舍是則無以為教。尚何言哉。故於幾務之隙。采古聖賢嘉言。編輯為書。名之曰聖學心法。以為上智則生而知之。其次則必學而後能學之。之至則可。以為聖人學。不至於聖人。則不足謂

之學。然萬事必根於一心。先明諸心。力求其至。使本體之明。貫通透徹。無毫髮之蔽。裁制萬物。各得其宜。則體周而用備。以是為訓。或庶幾乎其可矣。分為四卷。以君道。父道。子道。臣道。而揭其綱。其下分而為目。有統言者。焉。有專言者。焉。統言之者。以其言之廣大。非一事之可名。專言之者。蓋可。以一事而名。如學問。以下是也。夫君人者。尊居九重之上。而統臨萬物之表。智周乎天下。然後能應天下之務。不由學問。則聖功何成。是故積道于躬。惟勤於學。學。畜德于己。多識於前。言。必也尊師重傅。講貫以廣其見聞。

治心脩身。涵養以充其器量。大易以  
學聚問辨為脩德之首。中庸以學問  
思辨為擇善之功。是皆經傳之名言。  
聖賢之彝教。循至其極。則可以參天  
地而贊化育。錫四海之純福。開萬世  
之太平。何莫不本於斯。苟為不然。靜  
無所養。動無所施。志為氣奪。心為物  
誘。喪其賦予之重。失其稟受之良。眩  
瞽而無所知。汗漫而無所得。天下之  
治亂係焉。承帝王之緒者。可不加勉  
於學問乎。蓋為治莫大於敬天。天者  
至尊無對。觀其高高在上。若不吾見。  
然無時而不監焉。蒼蒼不言。若不吾  
與。然無時而不保焉。天之視聽相為

感通人心之敬。忽有間。則天命之去。留無常。吉凶悔吝。匪降自天。實由於人。永保天命者。其在於敬乎。若夫天道不言。四時行而萬物生。聖人設教。海宇寧而天下服。天道至誠無息。聖人之道亦至誠無息。天道至公無私。聖人之道亦至公無私。法天之行。體天之德。則上天眷顧。四海乂安。苟逆天之道。所行差忒。天命去之。人心違之。欲少假延於頃臾。焉可得也。天之主宰。謂之帝。陰陽不測。謂之神。海岳川瀆。皆有攸司。凡饗帝祀。神尊祖配。天所以報本反始也。必端慤以盡其誠。齊莊以致其敬。專精其德。以達明。

薦則鬼神享之。祭必受福。夫桀盛王  
帛。所以交神明也。一有不誠。神將吐  
之。福其未萌。禍且至矣。祀神之義。其  
可慢乎。祖宗立法。所以為後世也。當  
敬之守之。不可以忽。繼世之君。謹守  
祖法。則世祚延長。衰世之主。敗其祖  
法。則身亡國削。監于成憲。商書之所  
以致戒。率由舊章。周雅之所以示懲。  
取法於先。無有逸豫。承序不昌。未之  
有也。君人者。以一心而維持天下。心  
之好惡。不可以不慎也。苟為不慎。示  
其所好惡於人。則讒諂邪佞。喜利樂  
禍之徒。得以投其隙矣。而毀譽愛憎  
莫得而辨。是故人君之所好。與天下



而。同。其。好。所。惡。與。天。下。而。同。其。惡。群  
情。之。所。好。而。已。獨。惡。群。情。之。所。惡。而  
已。獨。好。是。拂。天。理。之。公。而。徇。夫。人。欲  
之。私。則。所。救。者。固。而。所。溺。者。深。雖。欲  
勿。殆。其。可。得。乎。夫。禍。亂。生。於。怠。豫。而  
治。康。本。於。自。強。一。心。之。用。周。流。天。地。  
湏。臾。暫。息。則。非。勤。勵。大。禹。勤。勞。功。覆  
天。下。文。王。勤。止。福。被。子。孫。德。以。服。人  
宜。莫。如。勤。能。勤。其。力。可。以。有。功。大。要  
在。於。勉。強。而。已。誠。知。荒。寧。懈。惰。之。可  
以。為。懼。則。於。觀。逸。遊。田。之。事。自。無。矣。  
是。故。勤。則。不。懈。不。懈。則。身。脩。家。齊。國  
治。而。天。下。平。天。下。既。平。不。可。不。思。患  
而。豫。防。之。蓋。亂。生。於。治。何。也。非。治。之

能生亂也。以其久安而不知戒。故亂生於所忽也。是故天下雖有磐石之安。當常懷隄杌之懼。守滿持盈。居高思危。謹其始。慮其終。則可以保其位。而安其身也。若既危而懼。禍至而慮。不可及矣。蓋事未有不始微而終著。一火始熒。終至燎原。一滴不塞。終

必滔天。可不戒哉。可不戒哉。道德仁義。教化之源。善治天下者。以道德而為郭郭。以仁義而為干櫓。陶民於仁義。納民於道德。不動聲色而天下化。如流水之赴壑。沛然莫之能禦也。雖然。上者下之表。上以是帥之。則下以是應之。故為行躬踐。漸磨人心。此德

化之實也。夫內外者，男女之位也。男以治外，女以治內。陰陽之義備，而夫婦之道成。明君之為政，必先於正內。治內治脩，則閨門和；閨門和，則倫理正。倫理正，則紀綱不紊矣。自古國家衰亂，皆由內外易位，而尊卑倒置，權溺于中。而言出于閫，教化不明，馴至乎此。是以咸恒著夫婦之道，二南陳正家之始，男教女順，盛德之至也。自古聖君之為治，必先於親九族。九族既睦，平章百姓，此唐堯之德也。夫睦親者，人道之大者也。不違其所親，則宗族之義全。是故建邦樹屏，必於親戚者，重維翰之寄也。昔周道隆盛，詩

有行葦之詠。書有展親之言。其祚之  
遠也宜哉。民者國之根本也。根本欲  
其安固。不可使之凋敝。是故聖王之  
於百姓也。恒保之如赤子。未食則先  
思其飢也。未衣則先思其寒也。民心  
欲生也。我則有以遂之。民情惡勞也。  
我則有以逸之。教之樹藝。而使之不  
失其時。薄其稅歛。而用之必有其節。  
如此則教化行而風俗美。天下勸而  
民心歸。行仁政而天下不治者。未之  
有也。致治之要以育才為先。化民成  
俗。以學道為至。學子不至。道則不足。以  
成才。是故養士必有其素。求賢必得  
其效。苟不養士而欲得賢。是猶不耕

耨而欲望秋穫。不雕鑿而欲望成器。故養士得才。以建學立師為急務也。任人之道。當擇賢才。擇之審則用之精。故輕重得宜。小大無失。是故聖君之用人。必取信於衆論。不偏聽於一人。一人之心有好惡。衆人之議合至公。人皆曰賢。用之可也。一人曰賢。察之可也。取之至公。用之至當。不以私昵而妨賢。不以非賢而曠官。故善用才者。如百工之用器。各適其宜而已。若夫航滄海者。必蔽山之舟。馭千里者。必籥雲之驥。佐治理者。必出衆之才。知其果賢矣。聽之勿疑。則可以養其忠亮。授之以事。則可以責其成功。

夫賢才在位。則不賢者遠。官皆稱職。而庶事成。康苟為不然。求之不精。而擇之不審。賢不肖混淆。而事之成敗。國之治亂。於此而分。故用人之道。無他。公而已矣。人君日總萬幾。事難獨斷。必納言以廣其聰明。從善以增其不及。虛心而聽。不惡切直之言。寬大。有容。以盡謇諤之諫。故藪澤之六者。以其能容也。君德之聖者。以其聽諫也。是故樂聞讜言。則忠直者進。樂聞異言。則諛佞者入。忠鯁之言。雖若難聞。其猶藥石。可以愈病。巽順之言。雖若易聞。其猶蠱毒。終必害物。朝夕納誨。此賢君之盛德。詢于芻蕘。此先民

之至言。况夫人君居至尊之位。苟不  
謙已和顏。以接羣言。則臣下雖有直  
言。不敢進矣。故聽言者。國家之大福  
也。衆言日聞。則下無蔽匿之情。中無  
隱伏之禍。而朝廷清明。天下平治矣。  
若夫庸主。則不然。好諛而喜佞。拒諫  
而飾非。恣其志之所為。極其心之所  
欲。享重祿者。固榮而保位。居下僚者。  
懼罪而畏誅。緘默不言。耳目壅塞。俱  
蹈敗亡可勝惜也。夫言有似是而非。  
貌有似真而偽。人君不可不辨也。君  
子則處心公正。表裏如一。小人則用  
情私邪。險陂傾側。當審其邪正。慎其  
用舍。果為君子。則親而任之。果為小

人則斥而遠之。是故去草萊所以長嘉苗。除奸邪所以樹正直。然自古忠邪難辨。惟明君則能識之。何也。明君之心公以正。君子之心有所合而偏。邪之人無自而入。譬之公而衡之。平。物之妍媸。輕重。有不能隱矣。惟昏主則不然。以聚斂者為足以稱其欲。巧佞者為足以悅其心。膠固而不移。糾結而不釋。如是則忠正者不得入。小人進而君子退。欲國不危。豈可得也。夫禮者。治國之紀也。樂者。人情之統也。是故先王制禮。所以序上下也。作樂。所以和民俗也。非禮。則無以立也。非樂。則無以節也。教民以敬。莫善



於禮教民以和莫善於樂禮樂興則  
天地泰而君臣正刑罰中而長養遂  
故曰禮樂刑政四達而不悖則王道  
備矣治天下者必先於脩禮樂夫天  
地者尊卑之位也君臣者貴賤之等  
也尊卑之義明貴賤之等辨則天地  
定而陰陽和人倫序而名分正是故

聖王之於天下也不使卑踰尊賤陵  
貴小加大庶先嫡君君臣臣父父子  
子各得其所而禮義立孔子論為政  
必先於正名春秋紀王法必嚴於謹  
分治天下者必明乎此則君臣正父  
子親夫婦別長幼順上以統下大以  
維小卑以承尊賤以事貴則朝廷之

義明而禍亂之源塞矣。人君之於臣下。必遇之以禮。待之以誠。不如是。不足以得賢者之心。夫君不獨治。必資於臣。敬大臣。非屈己之謂也。以道在是。而民之所觀望者也。是故待下有禮。則天下之士鼓奮而相從。待下無禮。則天下之士納履而遠去。故業茂

者。鳥藏焉。淵深者。魚萃焉。禮蕃者。賢士歸焉。賢士歸。則百姓戴焉。如是而治道不彰。禮樂不備。教化不成者。未之有也。人君以天地為心。則賞罰必得其當。人君不以賞而私於所愛。則必以待有功。不以罰而加於所惡。則必以待有罪。夫賞以旌善。罰以懲惡。

賞當功。則人勸。罰當罪。則人服。執此  
之柄而行慶威。非至公至明者弗足  
以語。是道苟吝惜而不賞。則無以甄  
有功。縱弛而不罰。則無以懲有罪。如  
是則紀綱頽矣。號令墮矣。雖有高爵  
重祿。不足以縻賢者之心。雖有嚴刑  
峻法。不足以止頑暴之惡。故賞罰者  
明君之所慎重。而不敢以忽也。刑者  
聖人制之以防奸慝也。使民見刑而  
遠罪。遷善而改過。是故刑雖主殺。而  
實有生之道焉。何也。蓋禁奸革暴。存  
乎至愛。本乎至仁。制之以禮。而施之  
以義。始也明刑以弼教。終也刑期于  
無刑。先王之敬用五刑也。一則曰欽。

二則曰慎。以見用刑之不敢以輕。故天下無濫獄過殺。而民罔不協于中。所以久安極治也。至若秦隋之君。用法慘酷。倚苛暴之吏。執深刻之文。法外加法。刑外施刑。曾何有忠愛惻怛之意。死人之血。漂流于市。受刑之徒。比肩而立。此仁人君子之所以痛傷也。故殺人愈多。而奸愈作。獄愈煩。而天下愈亂。失四海之心。招百姓之怨。曾未旋踵。而身亡國滅。子孫無遺類。是皆可為明戒。用刑之際。其可不加詳審。而敬慎之哉。經國家者。以財用為本。然生財必有其道。財有餘則用不乏。所謂生財者。非必取之於民也。

愛養生息使民之力有餘品節制度致物之用不竭下有餘則上何患於不足下不足則上何可以有餘故曰財聚則民散財散則民聚世有不知此者用培堯之吏銖銖而取之寸寸而歛之剥民之骨竭民之髓以悅其上謂之曰能增羨於財用者是欺其君也善乎君子之言曰民者邦之本財者民之心其心傷則其本傷其本傷則枝幹凋瘁而根柢蹙拔矣理財用者可不鑒於斯人君富有天下亦必量入為出守之以節儉而戒慎於奢靡是故茅茨土階堯德之所以欽明也惡衣菲食禹功之所以無間也

盛世之君常存節儉不浸淫於嗜欲不驕盈於富貴故天下靖安四海蒙福若夫衰世之主極財用之費窮耳目之好朘民膏血暴殄天物民怨於下而不恤天怒於上而不懼欲國不亡烏乎可得馭夷狄有道謹邊備是也嚴關防守要害脩封域明斥堠務農講武養威蓄銳此之謂也其來侵犯則有以禦之其來歸服則有以處之毋先事以起釁毋貪利以徼功起釁徼功損財耗力中國罷弊職此之由大抵夷狄之性無常強則叛弱則服聖王馭之之道不威以威而惟懷以德厚之以仁而待之以信不以其

歸順也。而弛邊防。不以其衰微也。而忘講武。是以內治外安。四夷賓服。夫兵者。聖人制之。以備不虞也。蓋不得已而用之。故曰。先王耀德不觀兵。然除暴救亂。四征不服。奉行天討。以安百姓。必先。用武。故黃帝有涿鹿之戰。夏后有甘扈之誓。武王有牧野之師。及天下既平。戢戈櫜矢。誕脩教化。以訖四海。必先用文。若大禹之敷文教。成湯之修人紀。有周之陳常道。是故不可以武而廢文教。亦不可以文而弛武備。文武並用。長久之術。夫兵不可以黷。黷則玩。玩則敗。苟不察國之虛實。不謀敵之強弱。而惟戰是務。則

國危矣。聖王之治兵也。教之以禮義。使民知親其上。如子弟之衛父兄。手足之捍頭目。致死而不畏危也。用以征伐。則勢出萬人。故曰。技擊不足以遇武卒。武卒不足以直銳士。銳士不足以當節制。節制不足以敵仁義。五常之道。父子至親。父子者。人倫之至也。是故為人父。止於慈。所以愛其子。必道守之。以禮樂。日勛之。以敬義。養之以德行。夫芝蘭生於階庭。而馨香播於戶外者。培植之力至也。子弟成其德性。而孝敬達於遐迩者。訓迪之功至也。苟溺愛以為慈。姑息而不教。是敗其子矣。子之事親。以孝為本。孝



者順德之至也。以一身之孝而率天下以孝。則不令而從。不嚴而治。故曰孝子之至。莫大乎尊親。易曰。家人有嚴君焉。孔子曰。孝莫大於嚴父。嚴父莫大於配天。又曰。仁人之事親如事天。苟不愛其身。以忘其親。則不謂之孝矣。惟能善繼善述。不改先志。此孝道之實者也。夫君君者。元首也。臣者。股肱也。君統乎臣。臣輔乎君。匡弼左右。務引君以當道。責難陳善。毋陷君於有過。克己奉公。以盡其職。正心脩德。必先愛人。勿矜其能。勿伐其功。毋以不肖而妬賢。毋以陰險而賊善。毋恃恩以要譽。毋弄權以作威。毋愴譎。

以逞奸欺。毋驕恣以成怠傲。小心畏  
慎。恭儉和柔。不枉道以徇人。必正己  
以守道。致其君為堯舜之君。致其民  
為堯舜之民。如臯夔稷禹。為名世之  
臣。豈不曰盛哉。是故抗節守義。莫大  
於忠。受君之爵。食君之祿。當憂國如  
家。忘身徇國。不避艱險。不計利害。堅  
其志操。確乎其不可以易者也。若夫  
勵勤以事上。廉潔以檢身。謙謹以守  
法。勤則不懈。廉則不汙。謹則免禍。歷  
觀人臣之取敗者。未有不由於懈怠。  
貪汙恣肆者也。故曰為君難。為臣不  
易。為吾臣者。尚慎旃哉。凡前諸事。吾  
既集聖賢之言。以為訓於正心脩身。

以逞奸欺。毋驕恣以成怠傲。小心畏  
慎。恭儉和柔。不枉道以徇人。必正己  
以守道。致其君為堯舜之君。致其民  
為堯舜之民。如臯夔稷卨。為名世之  
臣。豈不曰盛哉。是故抗節守義。莫大  
於忠。受君之爵。食君之祿。當憂國如  
家。忘身徇國。不避艱險。不計利害。堅  
其志操。確乎其不可以易者也。若夫  
勵勤以事上。廉潔以檢身。謙謹以守  
法。勤則不懈。廉則不汙。謹則免禍。歷  
觀人臣之取敗者。未有不由於懈怠。  
貪汙恣肆者也。故曰為君難。為臣不  
易。為吾臣者。尚慎旃哉。凡前諸事。吾  
既集聖賢之言。以為訓於正心脩身。

齊家治國平天下之要道。大略已見  
于是。自昔聖帝明王。賢士君子。或生  
而知。或學而至。故其言之微妙。皆切  
於日用。而不可離也。吾子孫誠能遵  
而行之。足以為治。吾揆功微德薄。智  
淺才疏。溝屯履難。危而後安。回慮却  
顧。寤寐戰兢。肩荷鴻基。惟恐失墜。恒

思天下大器也。保之為最難。善保之  
則完。不善保之則壞。一有瑕璽。則敝  
裂隨之。是以早朝晚息。弗敢怠豫。以  
承天休。且富有四海。何欲不遂。何求  
不得。然欲不可縱。心不可侈。欲縱則  
易至於怠荒。心侈則必至於危亡。故  
以道制欲。以理制心。庶幾寡過。由是

仰思俯察。默識潛探。求古聖賢之道。以資己善。後自匪生知之質。復歎學知之功。徒云希聖。望而未見。不能造詣其極。道無足以詒謀。言不足以為訓。姑述其近似者。以序于篇端。使吾子孫先觀吾言。然後觀是編。不觀吾言。則無以見吾之用心。不知吾之用心。則不能窺聖賢之間奧。非欲其取法於吾言。實欲其取法於聖賢之言也。取法於聖賢。則萬世而無弊。此吾之所以以憊憊。致戒於子孫者也。於乎。吾以是而遺子孫者。蓋久安長治之道。後世能守吾之言。以不忘聖賢之懿。則則國家鮮有失道之敗。蓋天命無

常惟德是與。惟能脩德以合天心。則  
天命眷顧。久而益隆。成周綿祀八百。  
以文武成康。世世脩德。宥密基命。毋  
敢或懈。故詩曰。世有哲王。又曰。世德  
作求。為吾子孫者。其可不思天命之  
無常。以脩厥德。保厥位。永宗社之慶  
於悠久者乎。讀是編者。其勉之哉。其  
懋之哉。

永樂七年五月望日序

聖學心法目錄

第一卷

君道

統言君道

第二卷

君道

學問

祀神

勤勵

敬天

法祖

戒謹

法天

謹好惡

第三卷

君道

德化

正內治

睦親

仁政

育材

用人

納諫

辨邪正

脩禮樂

正名分

第四卷

君道

禮臣下

明賞罰

慎刑

理財

節儉

馭夷狄

征伐

父道

子道

臣道

統言臣道

忠

勤

廉

謹

聖學心法目錄



# 君道

## 統言君道

易曰首出庶物萬國咸寧

聖人在上高出於物則萬國各得其所而咸寧矣乾象傳

飛龍在天乃位乎天德


天德乃宜居是位也蓋惟有是德乃宜居是位故以言之

時乘六龍以御天也雲行雨施天下平也

言聖人時乘六龍以

御天則如天之雲行雨施而天下平也

夫大人者與天地合其德與日月合其明與四時合其序與鬼神合其吉凶先天而天弗違後天而奉天



時。夫音扶。○大人與天地日月四時鬼神合者。合乎道也。天地者道也。鬼神者造化之迹也。大人無私。以道為體。故與之合也。先天弗違。謂意之所為。默與道契。後天奉時。謂知理如是。奉而行之也。並乾文言。

地上有水比。先王以建萬國。親諸侯。同。○毗。至切。註。並物之相親比而無間者。莫如水在地上。故為比。先王觀比之象。以建萬國。親諸侯。建立萬國。所以比民也。親撫諸侯。所以比天下也。此象傳。○間去聲。

天地交而萬物通也。上下交而其志同也。天地陰陽而萬物得遂其通泰。上下之情交通。而其志意同也。泰象傳。

天地交泰。后以財成。天地之道。輔相天地之宜。以左

右民。相去聲。左右並去聲。○天地交而陰陽和。則萬物茂遂。所以為泰。人君當體天地通泰之象。而制其過。補其不及。成其施為之方。遂其豐美之利也。夫民生必賴君上為之法制。以教率輔翼之。乃得遂

也。泰象傳。○夫音扶。樂音洛。地中。有山謙。君子以裒多益寡。稱物平施。○裒。蒲侯切。地體也。山之高。大而在地中。以卑蘊高。謙之象也。君子動

而與之。高舉下。損過益不及之義。以施於事。則裒而與之。益寡者。稱物之多寡。以均其施。與使得其平。而不偏也。謙象傳。

澤上有地臨。君子以教思無窮。容保民無疆。○臨。大也。物之相臨。與合容。無若水之在地。故澤上有地為臨。君子觀象。則教導之思至誠無斁。容保民之心廣大無疆也。臨象傳。

大觀在上。順而巽。中正以觀天下。○觀。去聲。○觀。觀於

陽剛中正之德。為下所觀。其德甚大。故曰大觀。在上。下坤而上巽。是能順而巽也。言五以巽順中正之德。為觀於天下也。觀象傳。

○觀於所觀。並如字。

觀乎天文以察時變。觀乎人文以化成天下。天文。日月星辰。

是也。觀此則可以知四時之變遷矣。人文。三綱五常。是也。觀此而以化成天下之禮俗。乃聖人用賁之道。

也。賁。彖傳。

離麗也。日月麗乎天。百穀草木麗乎土。重明以麗乎

正。乃化成天下。離麗也。謂附麗也。如日月。皆麗中正麗乎。臣上下皆有明德而處中正。可以化天下而成文明之俗也。離彖傳。○處並上聲。

明兩作離。大人以繼明照于四方。明兩。謂相繼也。作離。明兩而為。

離明之義也。大人。以德言則聖人。以位言則王者。大人。觀離明相繼之象。以世繼其明德。而照臨于四方。

也。○市平聲。

天地感而萬物化生。聖人感人心而天下和平。

交感而化生萬物。聖人至誠以感億兆之心。而天下和平。天下之心所以和平。由聖人至誠感之也。咸彖傳。○億。伊昔切。

日月得天而能久照。四時變化而能久成。聖人久於

其道而天下化成。日月。陰陽之精氣耳。唯其順天之

時。陰陽之氣耳。往來變化。生成萬物。亦以得天。故常久而不已。聖人以常久之道。行之有常。而天下化之。

以成美俗也。恒彖傳。

益損上益下。民說無疆。說。音悅。○卦之為益。以其損

畫之陰也。損於上而益下。則民說之無窮極矣。益彖傳。

澤中有水。革。君子以治歷明時。水火相息為革。革。變

推日月星辰之遷易。以治歷數。明四時之序也。革彖傳。

澤上有水節。君子以制數度議德行。行胡孟切。澤

為節。君子觀節之象。以制立數度。凡物之大小輕重。高下文質。皆有數度。所以為節也。數多寡。度法制也。

德存諸中者。行發於外者。人之德行。當義則中節。謂商度求中節也。節象傳。○中節之中。去聲。當云。

商度之度。待洛切。

天之所助者順也。人之所助者信也。履信思乎順。又

以尚賢也。是以自天祐之。吉無不利。

天地之大德曰生。聖人之大寶曰位。何以守位曰人。

何以聚人曰財。理財正辭。禁民為非曰義。人。今本作仁。呂氏從。

古。蓋所謂非。衆固與守邦。

君子知微知彰。知柔知剛。萬夫之望。並繫辭。

聖人南面而聽天下。嚮明而治。說卦。

書堯典曰。曰若稽古帝堯。曰放勳。欽明文思安安。允恭克

讓。光被四表格于上下。稽音基。後並同。放。南兩切。思。去聲。○曰若者。發語辭。稽。考

也。史臣將叙堯事。故先言考古之帝堯者。其德如下。文所云也。放。至也。勳。功也。言堯之功大而無所不至

也。此總言堯之德業也。欽。恭敬也。明。通明也。敬。體而。明用也。文。文章也。思。意思也。文著見而思深遠也。安

安。無所勉強也。言其德性之美。皆出於自然。而非勉。強。所謂性之者也。允。信。克。能也。允。恭。克。讓。以其行實

而言也。堯之德既極其盛。故能被四表格于上下。而所。及之遠如此。蓋放勳之所極也。見形句切。強。上聲。行

胡孟切。

克明俊德。以親九族。九族既睦。平章百姓。百姓昭明。

協和萬邦。黎民於變時雍。於音烏。○明。明之也。俊。大也。九族。父族四。母族三。妻

族二睦親而和也。平均章明。百姓畿內民庶也。昭明皆能自明其明德也。萬邦天下諸侯之國也。黎黑也。民首皆黑。故曰黎民。於歎美辭。變惡為善也。時是雍和也。此言堯推其德自身而家而國而天下。所謂放勳者也。放甫兩切。

舜與曰曰若稽古帝舜曰重華協于帝。濬哲文明。溫恭

允塞。重平聲。濬音峻。塞悉則切。華光華也。協合也。帝謂堯也。濬深。哲智也。溫。和粹也。塞實也。言堯

既有光華而舜又有光華可合於堯。因言其目則深沉而有智文理而光明和粹而恭敬誠信而薦實。有此四者之德也。

詢于四岳。闢四門。明四目。達四聰。詢謀也。四岳官名。事者也。闢開也。舜既告廟即位乃謀治于四岳之官。開四方之門以來天下之賢俊。有以見天下為一家之氣象焉。廣四方之視聽以決天下之壅蔽。有以見天下為一身之精神焉。

食哉惟時。柔遠能邇。惇德允元。而難任人。蠻夷率服。

惇都昆切。難去聲。任如林切。言足食之道惟在於不遺農時也。柔者寬而撫之也。能者擾而習之也。惇厚也。允信也。德有德之人也。元仁厚之人也。難拒絕也。絲也。藏凶惡之人也。言當厚有德信仁人而拒茲惡也。凡此五者處之各得其宜則不特中國順治。雖蠻夷之國亦相率而服從矣。並虞書。處上聲。

帝舜曰。允若茲。嘉言罔攸伏。野無遺賢。萬邦咸寧。稽于

衆。舍己從人。不虐無告。不廢困窮。惟帝時克。舍音捨。嘉善。

攸所也。舜然禹之言以為君臣信能夙夜祇懼。各盡其所當為。則必有以廣延衆論。悉致羣賢。而天下之人咸被其澤。無不得其所矣。然非忘私順理愛民好士之至。無以及此。而惟堯能之也。好去聲。

益曰。都帝德廣運。乃聖乃神。乃武乃文。皇天眷命。奄有

四海。為天下君。都歎美之辭。廣者大而無外。運者行之不息。大而能運則變化不測。故自

其大而化之而言。則謂之聖。自其聖而不可知而言。則謂之神。自其威之可畏而言。則謂之武。自其英華發外而言。則謂之文。眷顧。奄盡也。

禹曰於帝念哉。德惟善政。政在養民。水火金木土穀。惟

脩正德。利用厚生。惟和。九功惟叙。九叙惟歌。戒之用

休。董之用威。勸之以九歌。俾勿壞。於音烏。於。歎美而言。謂

帝當深念之也。蓋德非徒善而已。惟當有以善其政。政非徒法而已。在乎有以養其民。水火金木土穀。六者既脩。民生始遂。然不可逸居而無教。故為之博典。敷教以正其德。通工易事。以利其用。制節謹度。以厚其生。使皆當其理。而無所乖。則無不和矣。九功。合六與三也。叙者。言九者各順其理。而不汨陳以亂其常也。九者既已脩和。民享其利。莫不歌咏而樂其生。然始勤終怠者。人情之常。故當有以激勵之。其勤於是。然者。則戒喻而休美之。其怠於是者。則督責而懲戒之。然又以事之出於勉強者。不能久。故復即其前日歌

咏之言。協之律呂。播之聲音。用之鄉人。用之邦國。以勸相之。使其得以久存而不壞也。為去聲。皆當之當

去聲。復扶又切。相去聲。

帝舜曰無稽之言勿聽。弗詢之謀勿庸。無稽者。不考於

於衆。是皆一人之私心。必非天下之公論。皆妨政害治之大者也。言謂泛言。勿聽可矣。謀謂計事。故又戒

以勿用也。

益曰惟德動天。無遠弗届。滿招損謙。受益時乃天道。惟

可以動天。其感通之妙。無遠不至。滿招損謙。受益。即易所謂天道虧盈而益謙者也。並虞書大禹謨

臯陶曰允迪厥德。謨明弼諧。陶餘招切。言為君而信

不明。所弼者無不諧也。

慎厥身。修思永。惇叙九族。庶明勵翼。邇可遠在茲。身

則無言行之失。思永則非淺近之謀。厚叙九族則親  
親恩薦而家齊矣。庶明勵翼則羣哲勉輔而國治矣。  
通近茲此也。言近而可推之。  
遠者在此道也。有胡孟切。

在知人。在安民。言君道在知人安民二者而已。知人智之事。安民仁之事。

天叙有典。勅我五典。立惇哉。天秩有禮。自我五禮有

庸哉。同寅協恭。和衷哉。叙者君臣父子兄弟夫婦朋  
友之倫叙也。秩者尊卑貴賤

等級隆殺之品秩也。勅正。惇厚。庸常也。衷降衷之衷。  
即所謂典禮也。典禮雖天所叙秩。然正之使叙倫而

益厚。用之使品秩而自帶。則在我而已。故君臣當同  
其寅畏。協其恭敬。誠一無間。融會流通。而民彛物則

各得其正。所謂和衷也。虞書  
卑陶誤。○敘所謂和衷也。虞書

禹曰。安汝止。惟幾。惟康。其弼直。惟動。丕應。俟志以昭受。

上帝。天其申命用休。幾音機。應去聲。俟戶禮切。○止  
者。心之所止也。安者。順適乎道

心之正而不陷於人欲之危。惟幾所以審其事之發。  
惟康所以省其事之安。至於左右輔弼之臣。又皆盡

其純德。糾謬之職。內外交脩。無有不至。若是。則是惟  
無作。作則天下無不丕應。固有先意而俟我者。以是

而昭受于天。天豈不重命而用  
休美乎。虞書。○省老井切。

五子之歌曰。皇祖有訓。民可近。不可下。民惟邦本。本固

邦寧。大也。君之與民。以勢而言。則尊卑之分。如霄  
壤。以情而言。則相須以安。猶身體相資

以生也。故勢疎則離。情親則合。以其親。故謂之近。以  
其疎。故謂之下。言其可親而不可疎也。民者國之本。

本固而後國安。本既不固。則雖強如秦。富  
如隋。終亦滅亡而已矣。夏書。○分扶問切。

胤侯曰。先王克謹天戒。人臣克有常憲。百官修輔。厥后

惟明明。胤羊進切。○天戒。日蝕之類。謹者。恐懼脩省  
以消變異也。常憲。著奉法脩職。以供乃事也。

君能謹天戒於上。臣能有常憲於下。百官之衆。各修  
其職。以輔其君。故君內無失德。外無失政。此其所以

為明明君也。夏書  
胤征○省悉并切

仲虺之誥曰惟天生民有欲無主乃亂惟天生聰明時

又虺許偉切○民生有耳目口鼻愛惡之欲無主則

也。惡  
去聲

天乃錫王勇智表正萬邦績禹舊服茲率厥典奉若

天命續祖管切○言天錫湯以勇智之德勇足以有

也。天錫湯以勇智者所以使其表正於此而影直於彼

惟王不邇聲色不殖貨利德懋懋官功懋懋賞用人

惟已改過不吝克寬克仁彰信兆民殖丞職切懋莫

聚也。不近聲色不聚貨利蓋純乎天德而無一毫人

欲之私也懋茂也繁多之意人之懋於德者則懋之

以官人之懋於功者則懋之以賞用人惟已而人之

有善者無不容改過不吝而已之不善者無不改湯

之用人處已也如此而於臨民之際是以能寬能仁

謂之能者寬而不失於縱仁而不失於柔君德昭著

而孚信於天下

者矣處上聲

惟其昌推通回切○諸侯之賢德者佑之輔之忠

五懋昭大德建中于民以義制事以禮制心垂裕後

昆仲虺言王其勉明大德立中道於天下中者天下

義者所以建中者也義者心之裁制禮者理之節文



合德而中道立矣。如此則非特有以建中于民。而垂諸後世者。亦綽乎有餘裕矣。商書

湯誥曰惟皇上帝降衷于下民若有恒性克綏厥猷惟

后恒胡登切。皇大衷中。若順也。天之降命而具仁義禮智信之理。無所偏倚。所謂衷也。人之稟命而

得仁義禮智信之理。與心俱生。所謂性也。性道也。由其理之自然而有仁義禮智信之行。所謂道也。以降衷而言。則無有偏倚。順其自然。固有常性矣。以享文

而言。則不無清濁純雜之異。故必待君師之職。然後能使之安於其道也。故曰克綏厥猷。惟后。商書。○行胡孟切。

伊尹告太甲曰古有夏先后方懋厥德罔有天災山川

鬼神亦莫不寧暨鳥獸魚鼈咸若鼈必列切。言夏

則天之眷命如此。謂之方者。方見其進而未見其止之意。日新而未可量也。人君為天地鬼神萬物之主。而德者。天地鬼神萬物之理。所謂致中和。天地位焉。萬物育焉者也。

先王肇修人紀從諫弗拂先民時若居上克明為下

克忠與人不求備檢身若不及弗符勿切。人紀。三

言綱常之理未嘗泯沒。祭廢棄之。而湯始修復也。拂。逆也。先民。猶前輩舊德也。從諫不逆。先民是順。非誠於樂善者不能也。居上克明。言能盡臨下之道。為下

克忠。言能盡事上之心。與人之善不求其備。檢身之誠。有若不及。其處上下人己之間如此。是以德日以盛。業日以廣。天命歸之。人心也。與之也。並商書伊訓。○樂音洛。虛上聲。

先王顧諟天之明命以承上下神祇社稷宗廟罔不

祗肅天監厥德用集大命撫綏萬方顧。常目在之也。古是字。明命

者。上天顯然之理。而命之在我者。在天為明命。在人為明德。言成湯常目在是。天之明命。以奉天地神祇。社稷宗廟無不敬肅。故天視其德。用集大命。以有天下。撫安萬邦也。

者。上天顯然之理。而命之在我者。在天為明命。在人為明德。言成湯常目在是。天之明命。以奉天地神祇。社稷宗廟無不敬肅。故天視其德。用集大命。以有天下。撫安萬邦也。

為明德言成湯常目在是。天之明命。以奉天地神祇。社稷宗廟無不敬肅。故天視其德。用集大命。以有天下。撫安萬邦也。

社稷宗廟無不敬肅。故天視其德。用集大命。以有天下。撫安萬邦也。

用集大命。以有天下。撫安萬邦也。

用集大命。以有天下。撫安萬邦也。

祗爾厥辟。辟不辟。忝厥祖。言當敬尔所以為君之道。君而不君。則忝辱成湯矣。

並兩書  
太甲上

民非后罔克胥匡以生。后非民罔以辟四方。民非君

相正以生。君非民。則誰與為君者。言民固不可無君。而君尤不可失民也。

脩厥身。允德協于下。惟明后。修身則無敗度。敗禮之

之實德誠於上。協和於下。惟明君為能然也。

奉先思孝。接下思恭。視遠惟明。聽德惟聰。思孝則不

思恭。則不敢忽其臣。惟亦忘也。思明則所視者遠。而不惑於淺近。思聰則所聽者德而不惑於愉邪。並太

甲中○愉  
思慮切

惟天無親。克敬惟親。民罔常懷。懷于有仁。鬼神無常

享。享于克誠。天位艱哉。言天之所親。民之所懷。鬼神之所享。皆不常也。惟克敬。有

仁。克誠而後天親之。民懷之。鬼神享之也。曰敬。曰仁。曰誠者。各因所主而言也。天謂之敬者。天者理之所

在。動靜語默。不可有一毫之慢。民謂之仁者。民非元后。何戴。鯀寡孤獨。皆人君所當恤。鬼神謂之誠者。不

誠無物。誠立於此。而後人格於彼。三者所當盡如此。人君居人之位。豈可易而為之哉。太甲下○易以鼓切

非天私我。有商惟天佑于一德。非商求于下民。惟民

歸于一德。言天佑民歸。皆以一德之故也。尚書成有一德

說命曰。知之曰明哲。明哲實作。則天子惟君。萬邦百官

承式。說音悅。言有先知之德者。謂之明哲。明哲實為法於天下。今天子君臨萬邦。百官皆奉承法

也。令

恭默思道。夢帝賚予良弼。其代予言。賚洛代切。○商高宗言恭敬淵

默以思治道。夢帝。我賢輔。其將代我言矣。蓋高宗  
恭默思道之心。純一不二。與天無間。故夢寐之間。帝  
賚良弼。其念慮所享精神所格。非偶然而得也。無間之  
間。去聲。

傳說曰。惟厥攸居。政事惟醇。所止也。義理安於自然。則

一矣。一。故政事醇而不雜也。

非知之艱。行之惟艱。三忱不艱。允協于先王。成德。時

壬切。傳說以為得於耳者非難。行於身者為難。王忱信之不以為難。信可合於成湯之成德矣。並商書

說命

武王曰。惟天地萬物父母。惟人萬物之靈。亶聰明作元

后。元后作民父母。亶當早切。亶誠實無妄之謂。言聰明出於天性也。大哉乾元。萬物

資始。至哉坤元。萬物資生。是天地者萬物之父母也。萬物之生。惟人得其秀而靈。具四端。備萬善。知覺獨

異於物。而聖人又得其最秀而最靈者。天性聰明。無待勉強。其知先知。其覺先覺。首出庶物。故能為大君

於天下。而天下之疲癯殘疾。得其所生。鰥寡孤獨。得其養。舉萬民之衆。無一而不得其所焉。則元后者。又所

以為民之父母也。夫天地生物而厚於人。天地生人而厚於聖人。其所以厚於聖人者。亦惟欲其君長乎

民。而推天地父母斯民之心而已。天之為民如此。則任元后之責者。可不知所以作民父母之義乎。強上

聲。大音扶。長上聲。之為去聲。

天佑下民。作之君。作之師。惟其克相上帝。寵綏四方。

相去聲。佑助。寵愛也。天佑下民。為之君。以長之。為之師。以教之。惟其能左右上帝。以寵安天下也。並周

書泰誓上。長上聲。左右並去聲。

武成曰。列爵惟五。分土惟三。建官惟賢。位事惟能。重民

五教。惟食喪祭。惇信明義。崇德報功。垂拱而天下治。

列爵惟五。公侯伯子男。五等也。分土惟三。公侯百里。伯七十里。子男五十里。三等也。建官惟賢。不肖者不得進位事。惟能。不才者不得任。王教君臣。父子。夫婦。兄弟。朋友。五典之教也。食以養生。喪以送死。祭以追遠。五教三事。所以立人紀。而化風俗。聖人所甚重者。博厚也。厚其信。明其義。信之而天下無不勸之俗。有德者尊之。以官。有功者賞之。以賞。官賞行而天下無不勸之善。武王於此。復何為哉。垂衣拱手而天下自治矣。周書○長上聲。復扶又切。

洪範曰。初一曰五行。次二曰敬用五事。次三曰農用八

政。次四曰協用五紀。次五曰建用皇極。次六曰乂用

三德。次七曰明用稽疑。次八曰念用庶徵。次九曰嚮

用五福。威用六極也。箕子陳洪範九疇於武王。此其目

視聽思也。八政。食貨祀司空司徒司寇。賔師也。五紀。正

直剛克柔克也。稽疑。有所疑則卜筮以考之也。庶徵。推天而徵諸人也。五福。壽富康寧攸好德。考終命也。六極。凶短折。疾憂貧惡弱也。五事。曰敬。所以誠身也。八政。曰農。所以厚生也。五紀。曰協。所以合天也。皇極。曰建。所以立極也。三德。曰乂。所以治民也。稽疑。曰所以濟威也。庶徵。曰念。所以省驗也。五福。曰嚮。所以勸也。六極。曰威。所以懲也。本之以五行。敬之以五事。厚之以八政。協之以五紀。皇極之所以建也。乂之以三德。明之以稽疑。驗之以庶政。勸懲之以福極。皇極之所以行也。人君治天下之法。其孰有加於此哉。好去聲。若患井切。

五皇極。皇建其有極。斂時五福。用敷錫。厥庶民。惟時

厥庶民于汝極。錫汝保極。皇。大也。建。立也。極。北極之

立而四方之取正者也。言人君以廣大極至之理。建立於上。語父子則極其親。而天下之為父子者於此取則焉。語兄弟則極其別。而天下之為兄弟者於此取則焉。語兄弟則極其愛。而天下之為兄弟者於此

取則焉。以至一事一物之接。一言一動之發。無不極其義理之當然。而無一毫過與不及之差。則極建矣。極者福之本。福者極之效。極之所建。福之所集。豈有建極至善之君。而五福不集於其身者乎。即富壽康寧。依好德。考終命之五福也。人君集福於上。非自厚其身而已。用敷其福以與庶民。既以身為之極。使之觀感而化。又命司徒掌教。使之由教而入。民有是善。則亦有是福矣。所謂敷錫也。天下之民。於廣大極至之理。與之保守。不敢失墜。民安於下。則君安於上。所謂錫汝保極也。言皇極君民。所以相與者如此。必列切好去聲。凡厥庶民。無有淫朋。人無有比。德惟皇作極。比毗至切。淫。邪黨也。民有常業。非禮不為。非善不交。所謂無淫朋也。人有位之人。比德私相比附也。有位者。出於三公。不立黨與。不徇阿曲。所謂無比德也。言庶民與有位之人。而無淫朋比德者。惟有廣大極至之理者。使之有所取正耳。彼小德微善。凡厥庶民。有猷有為。有守。汝則念之。不協于極。不罹于咎。皇

有猷。有為。有守。而色曰。予攸好德。汝則錫之福。時人斯有猷。有為。有守。有操。守者。是三君之。不協于極。未合于善也。不罹于咎。不陷于惡也。受之者。不拒之也。如歸。斯受之之受。念之受之。隨其才而輕重。以成就之也。見于外。而有安和之色。發于中。而有好德之言。汝於是則與之以官。錫之以祿。而是人皆君道之明。斯其為大善之極也。操。倉刀切。見形。無虐瑩。獨而畏高明。之至微者也。高明。有位。尊顯者也。庶民之至微者。有善。則當勸勉之。而不可虐。有位之尊顯者。有不善。則當懲戒之。而不可畏。

人之有能有為。使羞其行。而邦其昌。凡厥正人。既富方穀。汝弗能使有好于而家。時人斯其辜。于其無好德。汝雖錫之福。其作汝用咎。行。胡孟切。好。去聲。○有能。有才智者。羞。進也。使

進其行則官使皆賢才而邦國昌威矣。正人在官之  
人富。祿之也。穀善也。在官之人有祿可仰。然後可責  
其為善。廩祿不繼。衣食不給。不能使其和好於而家。  
則是人將陷于罪戾矣。於其不好德之人而與之以  
祿。則為汝用咎惡之人也。仰去聲。無偏無陂。導王之義。無有作好。導

王之道。無有作惡。導王之義。無黨無偏。王道蕩蕩。無

黨無偏。王道平乎。無反。道正直。會其有極。歸

其有極。陂音必。好惡並去。平蒲眠切。偏不中也。

也。反倍常也。則不正也。偏。偏。好惡已私之生於心也。

偏黨。反側已私之見於事也。王之道。王之路。

皇極之所由行也。蕩蕩。廣遠也。平乎。平易也。正直。不

偏邪也。皇極。正大之體也。遵義。遵道。遵路。會其極也。

蕩蕩。平乎。正直。歸其極也。會者。合而聲。曰。皇極之敷。言

來也。歸者。來而至也。見音現。易去聲。曰。皇極之敷。言

是。是。是。訓于帝。其訓也。言人君以廣大極至之

行而為言者。是天下之常理。是天下之大訓。非君之訓。乃代天以為訓也。凡厥庶民。極之

敷言。是訓是行。以近天子之光。曰。天子作民父母。以

為天下王。而巳。庶民於極之敷言。是訓是行。則可以

近人子道德之光華也。曰者。民之辭也。謂之父母者。

謂之慈育而言親之之意。謂之王者。指其君長而言。

寸之意。長上聲。六三德。一曰正直。二曰剛克。三曰柔克。平康正直。彊

弗友。剛克。變友柔克。沉潜剛克。高明柔克。變志協切。

順。變。和也。正直。剛。柔。三德也。正者無邪。直者無曲。剛

克。柔克者。威福予奪。抑揚進退之用也。彊弗友者。彊

梗弗順者也。變友者。和柔委順者也。沉潜。潛者。沉深。潛

退。不及中者也。高明者。高亢明爽。過乎中者也。蓋習

俗之偏。氣稟之過者也。故平康。正直。無所事乎。矯拂

無為而治者也。彊弗友。剛克。以剛克剛也。變友柔克。

以柔克柔也。沉潜剛克。以剛克柔也。高明柔克。以柔克剛也。正直之用一。剛柔之用四也。于音與亢音抗。

惟辟作福。惟辟作威。惟辟王食。臣無有作福作威。王

食。福威者。上之所以御下。王食者。下之所以奉上也。曰惟辟者。戒其權不可下移。曰無有者。戒其臣不

可上僭。此言人君以三德馭臣之有作福作威王食。世不可假其權於大臣也。

其害于而家。凶于而國。人用側顯僻。民用僭忒。顯僻

忒。惕德切。而。汝也。側。不平也。僻。不公也。僭。踰。忒。過也。臣而僭上之權。則大夫必害于汝之家。諸侯必凶

于汝之國。有位者。則顯僻而不安。其分。小民亦僭忒而踰越其常。其言。人臣僭上之患如此。分去聲。

王省惟歲。卿士惟月。師尹惟日。省。悉井切。此推行

以尊卑為徵也。王者之失得其徵以歲。卿士之失得其徵以月。師尹之失得其徵以日。王與卿士師尹。所職有繁簡。故所驗有遠近也。

歲月日時無易。百穀用成。又用明。職有繁簡。故所驗有遠近也。

民用章。家用平康。日月歲時既易。百穀用不成。又用

昏不明。後民用微。家用不寧。歲月日三者。雨暘燠寒。風不夫其時。則其效如

此。休徵所感也。日月歲三者。雨暘燠寒風。既失其時。則其害如此。咎徵所致也。並周書。○暘陽同。燠乙六

九切。咎其切。切。

召公曰。志以道寧。言以道接。道者。所當由之理也。已之

發。人之言。以道而接。則不至於妄受。存乎中者。所以應乎外。制乎外者。所以養其中。古昔聖賢相授心法

也。周書旅獒。○應去聲。

武王曰。庸庸。祗祗。威威。顯民。用肇造我區夏。庸。用也。用

敬其所當敬。威其所當威。言文王用能敬賢討罪。一聽於理而已。無與焉。故德著于民。用始造我區夏也。

周書康誥。○與去聲。

周公曰。王敬作所不可不敬德。言化臣必謹乎身也。所則動靜語默。出入起居無往而不居敬矣。王能以敬為所

則動靜語默。出入起居無往而不居敬矣。不可不敬德者。甚言德之不可以不敬也。

肆惟王其疾敬德。王其德之用。祈天永命。王其疾於敬德。王其

德之用。而祈天以歷年也。蓋所以求天永命者。只在德而已矣。

其惟王位在德元。小民乃惟刑用于天下。越王顯。其

王位在於有德。天下之德以居天下之上。能令小民皆儀刑用德于下。則王之德亦以顯矣。並周書召誥

○冠去聲。今平聲。

自成湯至于帝乙。罔不明德恤祀。亦惟天丕建保乂

有殷。殷王亦罔敢失帝。罔不配天其澤。明德者所以脩其身。恤祀

者所以敬乎神也。亦惟天大建立保治有殷。殷之先王亦皆操存此心。無敢失帝之則。無不配天以澤民

也。周書多士。操平聲。

君子所其無逸。先知稼穡之艱難。乃逸。則知小人之

所猶處所也。君子以無逸為所。動靜食息無不在。是焉。作輟則非所謂所矣。先知稼穡之艱難。乃逸

者以勤居逸也。依者指稼穡而言。小民所恃以為生者也。

昔在殷王中宗。嚴恭寅畏。天命自度。治民祇懼。不敢

荒寧。肆中宗之享國七十有五年。中宗大戊也。嚴則莊重。恭則謙抑。寅

則欽肅。畏則戒懼。天命即天理也。中宗嚴恭。寅畏。以天理自檢。律其身。至於治民之際。亦祇敬恐懼。而不

敢怠荒。安寧。中宗無逸之實如此。故能有享國永年之效也。

其在高宗。時舊勞于外。爰暨小人。作其即位。乃或亮

陰。三年不言。其惟不言。言乃雍。不敢荒寧。嘉靖殷邦。



至于小大無時或怨肆高宗之享國五十有九年亮

音梁卷。高宗武丁也。未即位之時。其父小乙使久

居民間。與小民出入同事。故於小民之稼穡。備嘗知

之也。雍和也。嘉美靖安也。小大無時或怨者。萬民咸

和也。乃雍者和之發于聲。嘉靖者和之達于政。無怨

者。和之著于民也。高宗無逸之實

如此。故亦有享國永年之效也。

其在祖甲不義惟王舊為小人作其即位爰知小人

之依能保惠于庶民不敢侮鰥寡肆祖甲之享國三

十有三年祖甲高宗之子祖庚之弟也。高宗欲廢祖

不義惟王保愛護也。惠利澤也。鰥寡

非特保惠之又加敬焉。並周書無逸

成王曰至治馨香感于神明黍稷非馨明德惟馨馨香

華之上達也。至治之極。馨香發聞。感格神明。不疾而

速。凡昭薦黍稷之必芬。是豈黍稷之馨哉。所以必芬

者。實明德之馨也。周

書君陳。○茲蒲必切

康王曰申畫郊圻慎固封守以康四海圻與畿同。○郊

畫矣。曰申云者。申明之也。封域之險。昔固有守矣。曰

詩曰穆穆文王於緝熙敬止於音烏。○穆穆深遠之意。緝

然文王之德不已其

敬如此。大雅文王篇

維此文王小心翼翼昭事上帝聿懷多福厥德不回

以受方國小心翼翼恭慎之貌。文王之德於此為盛

追琢其章金玉其相勉勉我王綱紀四方追對回切

大雅大

明篇

○追。雖也。金曰。雕。玉曰。琢。相質也。勉勉。猶言不已也。張之為網。理之為紀。追琢所以美其文。金玉所以美其質。此詠歌文王之德也。大雅棫樸篇。

雖雖在宮。肅肅在廟。不顯亦臨。無射亦保。雖音亦。○

至也。肅肅。敬之至也。不顯。幽隱之處也。射。厭也。保。守也。言文王在閨門之內。則極其和。在宗廟之中。則極其敬。雖居幽隱。亦常若有臨之者。雖無厭數。亦常若有所守焉。其純亦不已。蓋如是。大雅思齊篇。

維此王季。帝度其心。貽其德音。其德克明。克明克類。

克長克君。王此大邦。克順克比。比于文王。其德靡悔。

既受帝祉。施于孫子。度待洛切。貽莫伯切。長上聲。王如字。或于况切。比並毗至切。施

以鼓切。○度。能度物制義也。貽。一作莫。謂其莫然。清靜也。克明。能察是非也。克類。能分善惡也。克長。教誨不倦也。克君。賞慶刑威也。言其賞不僭。故人以為慶刑不濫。故人以為威也。順。慈和徧服也。比。上下相親也。比于。至于也。悔。遺恨也。言上帝制王季之心。使尺寸能度義。又清靜其德音。使無非間之言。是以王季之德能此六者。至於文王。而其德尤無遺恨。是以既受上帝之福。而延及于子孫也。問去聲。

帝謂文王。子懷明德。不大聲。以色。不長夏。以革。不識。

不知順帝之則。長上聲。○子。諫為上帝之自稱也。懷也。則。法也。言上帝眷念文王。而言其德之深。激不暴著其形迹。又能不作聰明。以循天理也。並大雅皇矣篇。

威儀抑抑。德音秩秩。無怨無惡。率由群匹。受福無疆。

四方之綱。惡去聲。○抑抑。密也。秩秩。有常也。匹。類也。言有威儀。聲譽之美。又能無私怨惡。以任衆賢。是以能受無疆之福。為四方之綱矣。大雅假樂篇。

豈弟君子。民之父母。豈可改切。弟去聲。下並同。○君子。指成王也。豈以強教之。弟以

君

悅安之。民皆有父之尊。有母之親矣。大雅河酌篇。

顯顯印印。如珪如璋。令聞令望。豈弟君子。四方為綱。

顯魚容切。聞音問。顯顯印印。尊嚴也。如珪如璋。純潔也。令聞。善譽也。令望。威儀可望法也。豈弟。樂易也。言人君能如此。則四方以為綱矣。大雅卷阿篇。易以豉切。

敬慎威儀為民之則。則法也。敬其威儀。然後可以為天下法也。

辟爾為德。俾臧厥跡。慎爾正。不愆于儀。辟。君也。止。容止也。君

德之在內者。則必慎。既慎而無過。則為人所法。之在外者。則必使。既使而無過。則為人所法。美。並大雅抑篇。

維天之命。於穆不已。於乎不顯。文王之德之純。於音烏。無窮。而文王之德。純一不雜。與天無間也。周頌維天

之命篇。間去聲。

明昭有周。式序在位。載戢干戈。載櫜弓矢。我求懿德。

肆于時夏。允王保之。戢。側立切。櫜。古刀切。戰。聚。櫜。肆。陳也。夏。中國也。言明昭乎

我周也。既以慶讓黜陟之典。式序在位之諸侯。又收斂其干戈弓矢。而益求懿美之德。以布陳于中國。則信乎王之能保天命也。周頌時邁篇。韜他刀切。

思文后稷。克配彼天。立我烝民。莫匪尔極。貽我来牟。

帝命率育。無此疆尔界。陳常于時夏。思。語辭。文。有文。德也。立。粒。通。極。

至也。德之至也。貽。遺也。秉。小麥。牟。大麥也。率。徧。育。養也。言后稷貽我民以來牟之種。乃上帝之命。以此徧養下民者。是以無遠近彼此之殊。而得以陳其君臣父子之常道於中國也。周頌思文篇。遺去聲。種。上聲。



建國諸侯立家。卿置側室。大夫有貳宗。士有隸子弟。

庶人工商各有分。親皆有等。惠是以民服。事其上而

下無覬覦。俞。分去聲。親七刃切。衰初危切。覦音異。覦音

故能安。自天子至於庶人。各有等第。降殺皆本大而末小。所以辨上下。定民志。民志定。故盡心事上。而在

下位者不敢冀望於上矣。

曹侯孺曰。禮以行義。信以守禮。刑以正邪。禮。孺奴侯切。○

之義。信以守共。順之理。刑以正違僻之邪。信以守共。順之理。刑以正違

魯季文子曰。則以觀德。德以處事。事以度功。功以食民。

處上聲。度待洛切。食音嗣。○則者。君臣父子兄弟夫婦朋友之法則也。合此法則為吉德。違此法則為凶德。德之吉凶。所以處事之是非。事之是非。所以成否。功之成否。所以養民之厚薄也。文公十八

年。○則者。君臣父子兄弟夫婦朋友之法則也。合此法則為吉德。違此法則為凶德。德之吉凶。所以處事之是非。事之是非。所以成否。功之成否。所以養民之厚薄也。文公十八

孔子曰。唯器與名不可以假人。君之所司也。名以出信。

信以守器。器以藏禮。禮以行義。義以生利。利以平民。

政之大節也。器。車服名。爵號。不可輕以假借於人。乃

信。故曰。出信。動不失信。然後車服可保。車服所以表尊卑也。故禮之所以藏。禮者義之所以行。利者義之

所以生。故利所以平民也。六者為政之大節也。成公二年。

政寬則民慢慢。則糾之以猛。猛則民殘。殘則施之以

寬。寬以濟猛。猛以濟寬。政是以和。政事不嚴。民生慢。則糾之以剛。猛

政事過剛。民苦殘暴。則施之以寬。慈寬猛相濟。政事和平。昭公二十二年。○易以政切。

衛北宮文子曰。有威而可畏。謂之威。有儀而可象。謂之

儀。君有君之威儀。其臣畏而愛之。則而象之。故能有

其國家令聞長世聞音問。為君盡君道。臣則畏而愛之。法而象之。故人君能保其國

家。美名垂於無窮矣。

施舍可愛。進退可度。周旋可則。容止可觀。作事可法。

德行可象。聲氣可樂。動作有文。言語有章。以臨其下。

謂之有威儀也。舍上聲。行胡孟切。樂音洛。言或施行。或舍皆溫然可愛。進退周旋。容貌行

事。可為法則。身為度而可象。聲為律而可樂。以至一舉一動。成文可觀。一言一語。成章可達。以臨在下之人。所謂有威儀也。

並襄公三十一年

晉成鱣曰。心能制義曰度。德正應和曰莫。照臨四方曰

明。勤施無私曰類。教誨不倦曰長。賞慶刑威曰君。慈

和徧服曰順。擇善而從之曰比。經緯天地曰文。九

不愆。作事無悔。故罷天祿。子孫賴之。鱣音專。度待洛切。應施並去聲。

長上聲。比毗至切。心能制合宜之義。故曰度。其德端正。民皆應之。故曰莫。莫。安定之謂也。照臨四方。無

隱不達。故曰克明。施而無私。物得其所。故曰克類。教誨不怠。長人之道也。作福作威。君人之職也。慈祥和睦。徧服天下。順之道也。比方善事。使得相從。比之象也。經天緯地。文之實也。此九德皆無愆過。則其動無

悔。各故能受天之福祿。而子孫蒙其利也。昭公二十八年。長上聲。比方如字。

禮記孔子曰。大道之行也。天下為公。選賢與能。講信修睦。

故人不獨親其親。不獨子其子。使老有所終。壯有所

用。幼有所長。矜寡孤獨廢疾者。皆有所養。男有分。女

有歸。長上聲。矜。羸同。分。去聲。公。猶共也。與。天下聖賢共之也。所講習者。誠信。所修為者。和睦。是以

親其親。以及人之親。子其子。以及人之子。使老者幼者各得其所。困窮之民。有以養之。男則各有職分。女

則各有所歸也。

天生時而地生財。人其父生而師教之。四者君以正

用之。故君者立於無過之地也。四時本於天，百貨產於地，人生於父，而德

成於師。四者君以正用之。謂正其身修德。裁成輔相之。而治道得矣。然其要在乎自正其身。立於無過之地。

而後可。不能正其身。如正人何。並禮運。○相去聲。

大傳曰：聖人南面而聽天下，所且先者五。民不與焉。一

曰治親，二曰報功，三曰舉賢，四曰使能，五曰存愛。五

者一得於天下，民無不足，無不瞻者。與去聲。○且先者。言未遑餘事。

也。民不與者，未及治民也。治親，上治祖禰，下治子孫。旁治昆弟也。功，功臣也。君使臣以禮，故功曰報。行歲

而上。故賢曰舉。藝成而下。故能曰使。存，察也。察之則所愛者一出於公矣。瞻，調也。五事得，國家之所以治

也。行去聲。

樂記曰：禮以道其志，樂以和其聲，政以一其行，刑以防

其文。禮樂刑政，其極一也。所以同民心而出治道也。

以禮而道其志之所行，使必中節，以樂而和其聲之。所言使無乖戾。政以教不能刑以罰不率。此四者之

事雖殊，而其致則一也。中去聲。率音律。

祭義曰：先王之所以治天下者五。貴有德，貴貴，貴老，敬

長，慈幼。此五者先王之所以定天下也。長上聲。

經解曰：天子者與天地參，故德配天地，兼利萬物。與日

月並明，明照四海而不遺微小。

子曰：民以君為心，君以民為體。心莊則體舒，心肅則容

敬心好之身必安之君好之民必欲之心以體全亦

以體傷君以民存亦以民亡好並去聲○民以君為心者言好惡從於君也

君以民為體者言休戚同於民也體雖致用於外然由於心之所使故曰心好之身必安之心雖為主於

內然資乎體之所保故曰心以體全亦以體傷端表○好惡並去聲

大戴禮孔子曰昔者明主之治民有法必別地以州之分

屬而治之然後賢民無所隱暴民無所伏別必列切

所謂天下之至仁者能合天下之至親者也所謂天

下之至知者能用天下之至和者也所謂天下之至

明者能選天下之至良者也知去聲

仁者莫大於愛人知者莫大於知賢政者莫大於

賢並主言篇○上知去聲

天下大器也今人之置器置諸安處則安置諸危處

則危而天下之情與器無以異在天子所置尔禮察篇

政善則民說民說則歸之如流水親之如父母小辨篇○

說悅同

聖人愛百姓而憂海內及後世之人思其德必稱其

仁用兵篇

孝經子曰故雖天子必有尊也言有父也必有先也言有

兄也宗廟致敬不忘親也天子者天下之至尊也承事天地以教天下則以有

父也貴老敬長以率天下則以有兄也致敬宗廟恐辱及其先也傳九章○長上聲



論語子曰道千乘之國故事而信節用而愛人使民以時

道乘並去聲。道治也。千乘諸侯之國。其地可出兵車千乘者也。故事。主一無適之謂。故事而信者。敬其事而信於民也。時。謂農隙之時。言治國之要在

舉直錯諸枉則民服舉枉錯諸直則民不服錯並倉

錯捨置也。諸衆也。舉錯得義則人心服。為政篇

足食足兵民信之矣言倉廩實而武備修然後教化行而民信於我不離叛也

有若曰百姓足君孰與不足百姓不足君孰與足言民富則

君不至獨貧民貧則君不能獨富並顏淵篇

子曰其身正不令而行其身不正雖令不從子路

行夏之時乘殷之輅服周之冕樂則韶舞夏時以斗柄初昏建

寅之月為歲首蓋以寅為人正孔子取其時之正與令之善也商輅木輅也輅者大車之名蓋商輅制素渾堅而等威已辨謂質而得其中也周冕有五祭服之冠也冠上有覆前後有旒制度儀等至周始備雖華不為靡雖費不及奢夫子取之以為文而得其中也樂則韶舞者取其盡善盡美衛靈公篇○渾上聲覆衆

切救

謹權量審法度修廢官四方之政行焉興滅國繼絕

世舉逸民天下之民歸心焉權稱錘也量斗斛也法度禮樂制度皆是也興

滅繼絕謂封黃帝堯舜夏商之後舉逸民謂釋箕子之囚復商容之位三者皆人心之所欲也此述武王之事也先曰篇○稱去聲

大學曰是故君子先慎乎德有德此有人有人此有土有

土此有財有財此有用德者本也財者末也外本內

末爭民施奪是故財聚則民散財散則民聚所謂

明德有人謂得衆有土謂得國有國則不患無財用矣人君以德為外以財為內則是爭鬪其民而施之

以劫奪之教也外本內末故財聚爭民施奪故民散反是則有德而有人矣傳十章

中庸子曰故大德必得其位必得其祿必得其名必得其

壽十七

故為政在人取人以身修身以道修道以仁人謂賢

君身道者天下之達道仁者天地生物之心而人得以生者言人君為政在於得人而取人之則又在脩身能仁其身則有君

有臣而政無不舉矣

凡為天下國家有九經曰修身也尊賢也親親也敬

大臣也體群臣也子庶民也柔遠人也懷

諸侯也經常也體謂設以身處其地而察其心也子

者也此列九經之目也蓋天下之本在身故修身為九經之本然必親師取友然後修身之道進故尊賢

次之道之所進莫先於家故親親次之由家以及朝廷故敬大臣體群臣次之由朝廷以及其國故子庶

民來百工次之由其國以及天下故柔遠人懷諸侯次之此九經之序也視羣臣猶吾四體視百姓猶吾

子此視臣視民之別也處上聲朝音潮別必列切

修身則道立尊賢則不惑親親則諸父昆弟不怨敬

大臣則不眩體群臣則士之報禮重子庶民則百姓

勸來百工則財用足柔遠人則四方歸之懷諸侯則

天下畏之眩熒縮切此言九經之效也道立謂道

不眩謂不迷於事故大臣則信任專而小臣不得以間之故臨事而不眩也來百工謂通工易事農末相

資。故財用足。柔遠人。則天下之旅皆悅。而願出於其塗。故四方歸。懷諸侯。則德之所施者博。而威之所制者廣矣。故曰天下畏之。間去聲。

齊明盛服。非禮不動。所以修身也。去讒遠色。賤貨而貴德。所以勸賢也。尊其位。重其祿。同其好惡。所以勸親親也。官盛任使。所以勸大臣也。忠信重祿。所以勸士也。時使薄斂。所以勸百姓也。日省月試。既稟稱事。所以勸百工也。送往迎來。嘉善而矜不能。所以柔遠人也。繼絕世。舉廢國。治亂持危。朝聘以時。厚往而薄來。所以懷諸侯也。

齊側皆切去上聲遠好惡斂並去聲省悉井切既音繼稟彼錦切稱去聲朝音潮。此言九經之事也。官盛任使。謂官屬衆盛足任使令也。蓋大臣不當親細事。故所以優之者如此。忠信重祿。謂待之誠而養之厚。蓋以身體之而知其所賴乎上者如此也。既讀曰餼。餼稟。稍食也。稱事。如周禮橐人職曰。考其弓弩。以上下其食。是也。往則為之投節。以送之。來則豐其委積。以迎之。朝。謂諸侯見於天子。聘。謂諸侯使大夫來獻。厚往薄來。謂燕賜厚而納貢薄。令平聲。稍所教切。橐。古老切。為去聲。委去聲。積子賜切。見形句切。

凡為天下國家有九經。所以行之者一也。一者誠也。一有不誠。則九者皆為虛文矣。此九經之實也。並二十章。

子思子曰。故君子之道本諸身。徵諸庶民。考諸三王。而不繆。建諸天地。而不悖。質諸鬼神。而無疑。百世以俟

聖人而不惑。此君子指王天下者而言。道即議禮制度。考丈之事也。本諸身。有其德也。徵諸庶民。驗其所信從也。建。立也。立於此而參於彼也。天地者。道也。鬼神者。造化之迹也。百世以俟。聖人而不

惑。所謂聖人復起。不易吾言者也。王去聲。復扶又切。

君子動而世為天下道。行而世為天下法。言而世為

天下則遠之。則有望。近之。則不厭。動兼言行而言。道兼法則而言。法。法

度。則準則也。並二十九章。○行胡孟切。

唯天下至聖。為能聰明睿知。足以有臨也。寬裕溫柔

足以有容也。發強剛毅。足以有執也。齊莊中正。足以

有敬也。文理密察。足以有別也。知去聲。齊側皆切。別必列切。○聰明睿知。

生知之質。臨。謂居上而臨下也。其下四者。乃仁義禮知之德。文。文章也。理。條理也。密。詳細也。察。明辨也。三

章十一

唯天下至誠。為能經綸天下之大經。立天下之大本。

知天地之化育。夫焉有所倚。夫音扶。焉於虔切。○經綸。治絲之事。經者理

其緒而分之。綸者比其類而合之也。經常也。大經者五品之人倫。大本者所性之全體也。惟聖人之德極

誠無妄。故於人倫各盡其當然之實。而皆可以為天下後世法。所謂經綸之也。其於所性之全體。無一毫

人欲之偽。以雜之。而天下之道。千變萬化。皆由此出。所謂立之也。其於天地之化育。則亦有默契焉。此皆

至誠無妄自然之功用。夫豈有所倚着於物而後能哉。三十二章。○比毗至切。夫音扶。着直略切。

孟子曰。不違農時。穀不可勝食也。數罟不入洿池。魚鼈不

可勝食也。斧斤以時入山林。材木不可勝用也。穀與

魚鼈不可勝食。材木不可勝用。是使民養生喪死無

憾也。養生喪死無憾。王道之始也。五畝之宅。樹之以

桑五十者。可以衣帛矣。雞豚狗彘之畜。無失其時。七

十者可以食肉矣。百畝之田。勿奪其時。糞口之家可

以無饑矣。謹庠序之教。申之以孝弟之義。頒白者不

負戴於道路矣。七十者衣帛食肉。黎民不飢不寒。然

而不王者。未之有也。勝音升。數音促。罟音古。濇音烏。衣音去。音王。者之。王于况切。○農

時。謂春耕夏耘秋收之時。凡有興作。不違此時。至冬乃役之也。不可勝食言多也。數。密也。罟。網也。濇。空下

之地。水所聚也。古者網罟必用四寸之目。魚不滿尺。市不得糲。人不得食。山林川澤與民共之。而有厲禁。

草木零落。然後斧斤入焉。夫飲食宮室所以養生。祭祀棺槨所以送死。皆有以資之。則人無所恨矣。此王

道之始也。五畝之宅。一夫所受。二畝半在田。二畝半在邑。於墻下植桑以供蠶事。五十非帛不煖。未五十

者不得衣也。畜養也。時。謂孕字之時。如孟春犧牲無用牝之類也。七十非肉不飽。未七十者不得食也。百畝之

田。亦一夫所受。庠序皆學名。申。重也。丁寧反覆之意。善事父母為孝。善事兄長為弟。頌與莊同。老人頭半

白黑者也。負。任在背。戴。任在首。夫民既富而教以孝悌。則知愛親敬長而代其勞。不使之負戴於路矣。夜

帛。食肉。但言七十。舉重以見輕也。黎民。黑髮之人。猶秦言黔首也。此章盡法制品節之詳。極裁成輔相之

之道。以左。右。民是。土。道之成也。空鳥小切。粥餘六切。夫者扶。織音。幾重直用切。長上聲。見形。白切。黔其康

並去聲  
仁者無敵。仁。公理也。行仁則自無敵矣。

以大事小者樂天者也。以小事大者畏天者也。樂天

者保天下。畏天者保其國。樂音洛。○天者理而已矣。大之字小。小之事大。皆理

之當然也。自然合理。故曰樂天。不敢違理。故曰畏天。包含編覆。無不周備。保天下之氣象也。制節謹度。不

敢縱逸。保一國之規模也。覆敷救切  
君子創業垂統為可繼也。創。造。統。緒也。君子造基業於前。而垂統緒於後。但能

不失其正。令後世可繼續而行耳。並梁惠王。○今平聲。

得道者多助。失道者寡助。寡助之至。親戚畔之。多助

之至。天下順之。公孫丑篇

恭者不侮人。儉者不奪人。

以善服人者。未有能服人者也。以善養人。然後能服

天下。天下不心服而王者。未之有也。王干况切。服人者欲以取勝

於人。養人者欲其同歸於善。蓋心之公私小異。而人之向背頓殊。不可不審。背音佩。

舜明於庶物。察於人倫。由仁義行。非行仁義也。物。事也。

明。則有以識其理也。人倫。五品之倫也。察。則有以盡其理之詳也。由。仁義行。非行仁義。則仁義已根於心。而所行皆從此出。非勉強行之也。強上聲。

物。事也。

禹惡旨酒而好善言。湯執中立。賢無方。文王視民如

傷。望道而未之見。武王不泄。邇不忘遠。○惡。好並去聲。戰國策。禹

疏儀狄而絕旨酒。書曰。禹拜昌言。執者守而不失。中者無過不及之名。立賢無方。惟賢則立之於位。不問其類也。民已安矣。而視之猶若有傷。道已至矣。而望之猶若未至。此文王不自滿足之心也。迹者人所易

狎而不泄。遠者人所易忘而不忘。此武王德之盛。仁之至也。易並去聲。

周公思兼三王。以施四事。其有不合者。仰而思之夜

以繼日。幸而得之。坐以待旦。三王。禹湯文武也。四事。上四條之事也。時異勢

殊。故其事或有所不合。思而得之。則其理初不異矣。坐以待旦。急於行也。並離婁篇。

堯舜之道。孝弟而已矣。孝弟者。人之良知良能。自然

是性而已。

告子篇

易其田疇。薄其稅斂。民可使富也。食之以時。用之以禮。財不可勝用也。易斂並去聲。勝平聲。治也。疇也。耕治之田也。教民節儉。則財用足也。

知者無不知也。當務之為急。仁者無不愛也。急親賢

之為務。知者之知去聲。知者固無不知。然常以所當務者為急。則事無不治。而其為知也大矣。

仁者固無不愛。然常急於親賢。則恩無不洽。而其為仁也博矣。並盡心篇。不知之知如字。

家語子曰。善御民者。一其德法。正其百官。以均齊民力。和

安民心。故令不再而民順從。刑不用。是以天地德之。

而兆民懷之。一均也。百官使之正。民力使之平。故號令一出。民皆聽從。故刑不用。而天下自治。故天地以為有德。而百姓歸之。軌轡篇。

治。故天地以為有德。而百姓歸之。軌轡篇。

國語周劉康公曰。敬所以承命也。恪所以守業也。恭所以

給事也。儉所以足用也。

周單襄公曰。夫敬文之恭也。忠文之實也。信文之孚也。

仁文之愛也。義文之制也。知文之輿也。勇文之帥也。

教文之施也。孝文之本也。惠文之慈也。讓文之材也。

夫音扶。知去聲。文者德之總名。恭以下。其別行也。敬者德之見乎外也。忠自中出。故為德之實。信而不渝。故為德之孚。仁者德之慈愛也。義者德之裁制也。知所以載行文德也。勇以為帥。行其義也。教所以施布德化也。孝以事親。故為德之本。慈。愛也。材。用也。別行之行。胡孟切。餘如字。見形句切。

曹僖負羈曰。愛親明賢。政之幹也。禮賓矜窮。禮之宗也。

楚伍舉曰。國君服寵以為美。安民以為樂。聽德以為聰。

致遠以為明。樂音洛

荀子曰。公生明。偏生暗。端慤生通。詐偽生塞。誠信生神。夸

誕生惑。此六者。君子慎之。不苟篇。慤。乞約切。塞。悉則切。

公平者。職之衡也。中和者。聽之繩也。其有法者。以法

行。其無法者。以類舉。聽之盡也。偏黨而無經。聽之

也。辟讀為僻。聽。聽政也。衡。所以知輕重。繩。所以辨曲直。言君子用公平中和之道。故百事無過也。無

經。謂無常法。

選賢良。舉篤敬。興孝弟。收孤寡。補貧窮。如是則庶人

安政矣。

君人者。欲安則莫若平政。愛民矣。欲榮則莫若隆禮

敬士矣。欲立功名則莫若尚賢使能矣。是君人者之

大節也。

天地生君子。君子理天地。君子者。天地之參也。萬物

之總也。民之父母也。孟王制篇

君者儀也。儀正而景正。君者樂也。樂圓而水圓。君者

孟也。孟方而水方。景影同

君者人之源也。源清則流清。源濁則流濁。故有社稷

者。而不能愛人。不能利人。而求人親愛於己。不可得

也。

故知而不仁。不可。仁而不知。不可。既知且仁。是人至



之寶也。○並君道篇  
知去聲

刑政平而百姓歸之。禮義平而君子歸之。故禮及身

而行。修義及國而政明。致仕篇  
行胡孟切

為人上者必將慎禮義務忠信。然後可。此君人者之

大本也。強國篇

聖人清其天君。正其天官。備其天養。順其天政。養其

天情。以全天功。如是則知其所為。知其所不為矣。則

天地官而萬物後矣。天養之養去聲。○天君。心也。天  
官。耳目口鼻形之五官也。天養。天

謂飲食衣服。是天使奉養之也。天政。賞罰之政令也。  
夫情。好惡喜怒哀樂也。此言聖人能自修。則可以佳

天地而役萬物矣。天論篇  
○好惡並去聲。樂音洛

修其道。行其義。與天下之同利。除天下之同害。而天

下歸之。

天下者至重也。非至強莫之能任。至大也。非至辨莫

之能分。至衆也。非至明莫之能知。此三至者。非聖人

莫之能盡。故非聖人莫之能王。王于況切。○言物之  
強者。乃能勝重任也。

至大則難詳。故非小知所能分別也。天下之人至衆。  
非至明者不能知其情偽。而和輯之也。重大如此。非

聖人安能王乎。並正論篇。○勝  
平聲。小知之知去聲。別必列切。

上事天。下事地。尊先祖而隆君師。是禮之三本也。禮  
論

篇

天之生民。非為君也。天之立君。以為民也。故古者列

地建國非以貴諸侯而已。列官職差爵祿非以尊大  
夫而已。主道知人。臣道知事。故舜之治天下。不以事  
詔而萬物成。為去聲。○差制等級也。人謂賢良事謂  
職守。不以事詔告。但委任而已。大畧篇  
富有四海。守之以謙。宥坐篇

史記周公曰。政不簡不易。民不肯近。平易近民。民必歸之。

易以  
敗切

說苑太公曰。賢君之治國。其政平。其吏不苛。其賦歛節。其

自奉薄。不以私善害公法。政理篇○苛寒  
歌切歛去聲

成王曰。夫有文無武。無以威下。有武無文。民畏不親。文

武俱行。威德乃成。既成威德。民親以服。君道篇○  
夫音扶

孔子曰。夫以公與天下。其德大矣。推之於此。刑之於彼。

萬姓之所戴。後世之所則也。指武篇○  
夫音扶

晉州向曰。古者聖王貴德而務施。慎刑辟而趨民時。貴德

篇○辟  
毗亦切

師曠曰。人君之道。清靜無為。務在博愛。趨在任賢。廣開

耳目。以察萬方。不固溺於流俗。不拘繫於左右。廓然

遠見。蹕然獨立。屢省考績。以臨臣下。此人君之操也。

溺女力切蹕尺  
約切省悉井切

尹文曰。人君之事。無為而能容下。夫事寡易從。法省易

因。故民不以政獲罪也。大道容衆。大德容下。聖人寡

為而天下理矣。

並君道篇。○夫音扶。易以致切。

劉向曰：水濁則魚困，令苛則民亂，城峭則必崩，岸竦則

必阨。故夫治國譬若張琴，大絃急則小絃絕矣。故曰

急轡銜者非千里御也。

峭七肖切。竦音悚。阨音矢。夫音扶。

聖王先德教而後刑罰，立榮耻而明防禁，崇禮義之

節以示之，賤貨利之弊以變之，修近理內政，樞機之

禮壹配匹之際，則莫不慕義，禮之榮而惡貪亂之耻。

其所由致之者，化使然也。

樞其月切。惡去聲。○政正也。樞門相也。機密也。政樞

機之禮者，謹內外之別也。並政理篇。○相音本。切別必列切。

王者知所以臨下而治衆，則群臣畏服矣。知所以聽

言受事，則不欺蔽矣。知所以安利萬民，則海內必定

矣。

道之所在，天下歸之；德之所在，天下貴之；仁之所在，

天下愛之；義之所在，天下畏之。

並叢談篇。

序楚令尹曰：天道無親，惟德是輔。君有仁德，天之所奉

也。

劉向曰：先王之所以拱揖指揮而四海賓者，誠德之至

已形於外也。

並雜事篇。

揚子曰：適堯舜文武為正道，非堯舜文武者為他道。君子

正而不他。

問道篇。

聖人存神索至成天下之大順致天下之大利和同  
天人之際使之無間者也間去聲○至者事之極致成天順者謂使上下各安

其分致大利者謂使萬物各得而不害也問神篇○分去聲

導之以仁則下不相賊治之以廉則下不相盜臨之

以正則下不相詐修之以禮義則下多德讓篇

天地之得斯民也斯民之得一人也一人之得心矣

天地之本在得斯民而生之斯民之衆在得一人而治之一人之貴在得民心而後能長久也

天下為大治之在道不亦小乎四海為遠治之在心

不亦邇乎

君人者務在殷民阜財明道信義致帝者之用成天

地之化殷富阜盛也信義行義使民信之也帝者之用極其事業也並孝至篇

文中子曰古之為政者先德而後刑故其人悅以怒王道篇

推之以誠則不言而信鎮之以靜則不行而謹惟有

道者能之周公篇

仁義其教之本乎先王以是繼道德而興禮樂也禮樂篇

篇

漢申公曰為治者不在多言顧力行何如耳

董仲舒曰貴為天子富有四海行高而恩厚知明而意

美愛民而好士可謂誼主矣行胡孟切知好並去聲

王者上謹於承天意以順命也下務教化民以成性

也。正法度之宜。別上下之序。以防欲也。修此三者而

大本舉矣。別必列切

為人君者。正心以正朝廷。正朝廷以正百官。正百官以正萬民。正萬民以正四方。四方正。遠近莫不一於正。而無有邪氣。奸其間者。是以陰陽調而風雨時。群生和而萬民殖。諸福之物。可致之祥。莫不畢至。而王道終矣。朝音潮奸音干

公孫弘曰。人主和德於上。百姓和合於下。故心和則氣

和。氣和則形和。形和則聲和。聲和則天地之和應矣。故陰陽和風雨時。五穀登。六畜蕃。山不童。澤不涸。此

和之至也。應去聲涸昌各切

因能任官。則分職治。去無用之言。則事情得。不作無用之器。則賦歛省。不奪民力。則百姓富。有德者進。無德者退。則朝廷尊。有功者上。無功者下。則群臣遠。罪當罪。則奸邪止。賞當賞。則臣下勸。並通鑑綱目

去上聲歛去聲朝音潮透七倫切

司馬遷曰。安危在出令。存亡在所任。史記

匡衡曰。欽翼祗栗。事天之容也。溫恭敬遜。承親之禮也。

正躬嚴恪。臨衆之儀也。嘉惠和悅。饗下之顏也。舉錯

動作。物遵其儀。故形為仁義。動為法則。西漢書本傳錯倉故切

治天下審所上而已。教化之流，非家至而人說之也。賢者在位，能者布職，朝廷崇禮，百僚敬讓，道德之行，由內及外，自近者始，然後民知所法，遷善日進，而不

自知也。說如字 朝音潮

王吉曰：宣德流化，必自近始。朝廷不備，難以言治。左右

不正，難以化遠。朝音潮

虞詡曰：法禁者，俗之隄防。刑罰者，民之銜轡。銜胡嚴切 轡兵辭切

李固曰：夫人君有政，猶水之有隄防。隄防完全，雖遭霖

潦，不能為變。夫音扶 潦魯皓切

荀悅曰：為政之術，先屏四惡，乃崇五教。偽亂俗，私壞法，

放越軌，奢敗制，四者不除，則政末由行矣。是謂四患。

興農桑以養其生，審好惡以正其俗，宣文教以章其

化，立武備以秉其威，明賞罰以統其法，是謂五政。屏

病切好惡 並去聲

崔寔曰：為國之法，有似治身。平則致養，疾則攻焉。夫刑

罰者，治亂之藥石也。德教者，興平之梁肉也。夫以德

教除殘，是以梁肉治疾也。以刑罰治平，是以藥石供

養也。養去聲 夫音扶

蜀諸葛亮曰：治世以大德，不以小惠。並通鑑 綱目

魏王基曰：夫志正則衆邪不生，心靜則衆事不躁。思慮審

定則教令不煩親用忠良則遠近悅服

本傳。夫音扶。

傳。故曰建官均職清理民物所以立本也。循名考實糾

勵成規所以治末也。

本傳。

吳諸葛恪曰帝王之尊與天地同位是以家天下。

通鑑綱目。

晉孫盛曰帝王之寶惟道與義道義既建雖小可大。

蜀書宗預。

傳。

劉頌曰天下至大萬事至衆是以聖王執要於己委務

於下非憚勞而好逸誠以政體宜然也。

通鑑綱目。好去聲。

後周蘇綽曰為國之道當愛人如慈父訓人如嚴師。

本傳。

唐太宗曰安天下者必須先正其身未有身正而影曲上

理而下亂也。

貞觀政要。

夫人者國之先國者君之本。人主之體如山嶽焉高

峻而不動如日月焉負明而普照兆庶之所瞻仰天

下之所歸往寬大其志足以兼包平正其心足以斷

制非威德無以致遠非慈厚無以懷人撫九族以仁

接大臣以禮奉先思孝處位思恭傾已勤勞以德行

義此乃君之體也。

夫音扶。斷都玩切。處上聲。行如字。

夫君者儉以養性靜以修身儉則人不勞靜則下不

擾。

並帝範。夫音扶。

為國之要在於進賢退不肖賞善罰惡至公無私。

指殿屋謂侍臣曰。治天下如建此屋。管構既成。勿數改為。苟易一拱。正一瓦。踐履動搖。必有所損。若慕竒變法度。不恒其德。勞擾寔多。數色角切。拱居疎切。

魏徵曰。求木之長者。必固其根本。欲流之遠者。必浚其

泉源。思國之安者。必積其德義。浚須問切。

君所以明者。兼聽也。其所以暗者。偏信也。

為國之基。必資於德禮。君之所保。唯在於誠信。誠信

立。則下無二心。德禮形。則遠人斯格。並貞觀政要。

人主誠能見可欲。則思知足。將興繕。則思知止。處高

危。則思謙降。臨滿。盈則思抑損。遇佚樂。則思撙節。在

宴安。則思後患。防壅蔽。則思延納。疾讒邪。則思正己。

行爵賞。則思因喜而僭。施刑罰。則思因怒而濫。兼是

十思。而選賢任能。則可以無為而治矣。通鑑綱目。上聲。佚弋。

質切。樂音洛。搏祖。本切。壅尹疎切。

張蘊古曰。大明無私照。至公無私親。故以一人治天下。

不以天下奉一人。大寶箴。

陸贄曰。古先聖王之居人上也。必以其心從天下之心。

而不敢以天下之人從其欲。

君人之道。子育為心。雖深居九重。而慮周四表。雖恒

處安樂。而憂及困窮。重平聲。處上聲。樂音洛。



君天下者必以天下之心為心而不私其心以天下之耳目為耳目而不私其耳目故能通天下之志盡天下之情。

愚知兼納洪纖靡遺蓋之如天容之如地垂旒黼黻而黜其聰察墜珥歲疾而務於包人食不示威而人畏之如雷霆不用明而人仰之如日月此天子之德也。

知去聲旒音流黼音斗切纁苦謗切珥音迤

惠而罔威則不畏威而罔惠則不懷。

其接下也待之以禮賙之以和虛心以盡其言端重以詳其理不禦人以給不自眩以明不以先覺為

不以臆度為智不形好惡以招諂不大聲色以示威。

煦吁句切眩熒縮切臆伊昔切度待洛切好惡並去聲

位尊者其惠不可以不重言大者其實不可以不豐不責人於朝夕之效不計事於尺寸之差。

德合天者謂之皇德合地者謂之帝德合人者謂之王父天母地以養人理物而各得其所宜者謂之天子。

總天下之知以助聰明順天下之心以施教令。並奏議

知去聲

杜黃裳曰王者上承天地宗廟下撫百姓四夷夙夜憂

勤固不可自暇逸。然上下有分。紀綱有序。苟慎選賢才而委任之。有功則賞。有罪則刑。則誰不盡力。分去聲

裴潏曰。除天下之害者。常受天下之利。共天下之樂者。

常享天下之福。並唐書。樂音洛。

韓愈曰。聖人一視而同仁。焉近而舉遠。

聖君以奉天為心。

道莫大乎仁義。教莫大乎禮樂。刑政施之於天下。萬物得其宜。措之於其躬。體安而氣平。

善醫者不視人之肥瘠。察其脉之病否而已矣。善計天下者不視天下之安危。察其紀綱之理亂而已矣。

孟文集。○ 齊秦昔切。

柳宗元曰。聖人之所以立天下。曰仁義。仁主恩。義主斷。

恩者親之。斷者宜之。而理道畢矣。文集。○ 斷都玩切。

劉蕡曰。為君者。所發必正言。所履必正道。所居必正位。

所近必正人。本傳。

李德裕曰。人君之德。莫大於至明。明以照奸。則百邪不

能蔽矣。唐書。

宋太宗曰。治國之道。在乎寬猛得中。寬則政令不成。猛則

民無所措手足。言行錄。

韓維曰。常以利民為本。則民富。常以憂民為心。則民樂。

賦役非人力所堪者去之。則勞困息。法禁非人情所便者蠲之。則鬱塞通。

本傳○樂音洛去上聲蠲圭玄切鬱紆勿切塞恣則切

張詠曰。為政信及於民。然後教之。言及於義。然後勸之。動而有禮。然後化之。靜而無私。然後民安而樂其業。

矣。言行錄○樂音洛

歐陽脩曰。為人君者。以細務而責人。專大事而獨斷。此

致治之要術也。納一言而可用。雖衆說不得以沮之。

此力行之果斷也。知此二者。天下無難治矣。文集○斷亦玩

切沮再呂切

子曰。聖人在上。以仁育萬物。以義正萬民。

仁。義。禮。智。四者。動靜言貌視聽無違之謂純。心純則

賢才輔。賢才輔則天下治。純心要矣。用賢急焉。

治天下有本身之謂也。治天下有則家之謂也。本必

端。端本誠心而已矣。則必善。善則和親而已矣。

治天下觀于家。治家觀身而已矣。身端心誠之謂也。

聖人之道。仁義中正而已矣。

公於己者。公於人。未有不公於己而能公於人者。明

不至則疑生。明無疑也。謂能疑為明。何啻千里。並通書○

啻昌智切

豐稷曰。一動於深宮之中。思以為則於四海之內。一言

於細糲之上。思以為法於千載之下。則化行俗美。中國安遠人服矣。言行錄

司馬光曰。天子之於萬國。能去善而黜惡。抑強而輔弱。撫服而懲違。禁暴而誅亂。然後發號施令。而四海之內莫不率從也。褒博毛切。黜敕律切。

王者以仁義為麗。道德為威。

王者以大庇生民為仁。安固基業為孝。仁孝之道莫大於此。

選賢而進之。量能而任之。成功者賞。敗官者誅。此則人君之職也。

人君之直。與天地同體。以剛健為德。以重厚為威。照微當如日月。發言當如雷霆。

人君之職。謂何量材而授官。一也。度功而加賞。二也。審罪而行罰。三也。材有短長。故官有能否。功有高下。故賞有厚薄。罪有大小。故罰有輕重。此三者。人君所

當用心度行

善為國者不欺其民。

天子統三公。三公率諸侯。諸侯制卿大夫。卿大夫治士庶人。貴以臨賤。賤以承貴。而君臣之分。猶天地之不可易。然後上下相保。而國治安。分去聲。

寬而疾惡嚴而原情政之善者也。

為政在順民心苟民之所欲者與之所惡者去之如

決水於高原之上以注川谷無不行者苟或不然逆

阪走丸雖竭力以進之其復走而下可必也。並文集惡去

聲去上聲阪甫板切

天下未嘗無事也。在人君思與不思而已矣。思之則

治平不思則亂危。

教化國家之急務也。而俗吏慢之。風俗天下之大事

也。而庸君忽之。夫惟明智君子深識良慮然後知其

為益之大而收功之遠也。扶夫音

信者人君之大寶也。國保於民。民保於信。並通鑑綱目

蘇頌曰。人主之視聽聰明不可有所嚮。有所嚮則偏偏

則為大患矣。今守成之際。應之以無心。則天下無不

治矣。言行錄。應去聲。

蘇軾曰。古之聖人將有為也。必先處晦而觀明。處靜而

觀動。則萬物之情畢陳于前。處上聲

王者之所宜先者德也。所宜後者刑也。所宜先者義

也。所宜後者利也。

成事在理不在執。服人以誠不以言。理之所在。以為

則成。以禁則止。以賞則勸。以言則信。

非德之威。雖猛而人不畏。非德之明。雖察而人不服。聖人之治天下也。寬猛相資。君臣之間。可否相濟。

操其要。治其本。恭己無為。而物莫不盡其天理。操平聲

聖王之治天下。使天下之事各當其處。而不相亂。天

下之人各安其分。而不相躐。然後天子得優游無為

而制其上。當去聲。處上聲。分去聲。

夫使聖人無權。則無以成天下之務。無機。則無以濟

萬世之功。並文集。夫音扶。

蘇轍曰。聖人欲有其富。則保之以儉。欲久其尊。則守之

以謙。欲安其佚。則行之以勞。欲得其欲。則濟之以無

欲。

聖人之為天下。不務逆人之心。人心之所向。因而順

之。人心之所去。因而廢之。故天下樂從其所為。樂音洛。

善治天下者。必明於天下之情。而後得御天下之術

並文集。

邵子曰。用天下之目為目。其目無所不觀矣。用天下之

耳為耳。其耳無所不聽矣。用天下之口為口。其口無

所不言矣。用天下之心為心。其心無所不謀矣。心學。

程子曰。君道以至誠仁愛為本。

天之生民。必有出類之才。起而君長之。治之而爭奪

息道之而生養遂教之而倫理明然後人道立天道

成地道平。並文集。長上聲。

治民者導之敬讓而爭自息。

治身齊家以至平天下者治之道也。建立治綱分正

百職順天時以制事。至於創制立度。盡天下之事者。

治之法也。聖人治天下之道。唯此二端而已。並遺書。

張子曰。能通天下之志者。為能感人心。聖人同乎人而

無我。故和平天下。莫盛於感人心。正蒙。

胡安國曰。為國以義。不以利。如以利。則上下交征而國

必危矣。為己以義。不以利。如以利。則患得患失亦無

所不至矣。

舉動人君之大節。賢哲量之以行。藏其道。奸邪窺之

以作止。其惡四鄰望之以厚薄。其情故有國者必謹

於禮而後動。此守身之本。保國之基也。並春秋傳。量平聲。

范祖禹曰。君人者。如天運於上。而四時寒暑各司其序。

則不勞而萬物遂矣。

朝廷者。四方之極也。非至公無以絕天下之私。非至

正無以止天下之邪。朝音。

事親則思孝。居處則思敬。動作則思禮。祭祀則思誠。

服用則思儉。養民則思仁。使人則思恕。心則思道。視

則思正當食則思天下之飢當衣則思天下之寒。上聲

人君惟恭儉寡欲則邪諂無自而入矣。一有所蔽辭

不為惑也。諂丑曉切  
解上聲

先王之治必反求諸己已正而物莫不應矣。應去聲

為治者唯能省力修薄賦斂務本抑末尚儉去奢占

田有限困窮有養使貧者足以自立富者不得兼之

則均天下之本也不然雖有法令徒文具而已何益

於治哉。做大聲去上  
聲養如字

治天下之繁者必以至簡制天下之動者必以至靜

並通鑑  
綱目

張浚曰。以至公存心。惻怛哀矜。思天下之所以困窮。生

民之所以塗炭。自反自咎。身任其責。便佞之惑耳者

去之。美麗之悅目者。遠之。以至於衣服飲食亦惟菲

薄之務。淡然漠然。視天下無足以動吾心者。而專以

宗社生靈為念。苟言之非有益於宗社生靈者。弗言

也。苟思之非有益於宗社生靈者。弗思也。持之以堅。

行之以久。乾乾不息。則上可以動天。下可以格人。朱子

文集。○恒當割切便  
平聲去上聲遠去聲

胡寅曰。為天養人者。天子之職也。為去聲



人主之德莫加乎孝。其剛莫先乎無欲。其明莫要乎知君子小人之辨。

人君既得賢才布之列矣。於是朝以聽政。則公卿在前。史在左右。諫諍七人。訓告教誨。而無怠朝矣。晝以訪問。則監于成憲。學于古訓。多識前言。往行與萬民之疾苦。而無怠晝矣。夕以修令。則思夫。應違慮夫。崇辱慎而後出。而無怠夕矣。而又無淫逸遊畋。有銘戒箴規。又有賢妃。洲女。警戒相成。昧爽不顯。坐以待旦。此乃憂勤之事。乃所以端拱無為也。識音志行胡孟切夫音扶應去聲帝王之德。莫不本於格物致知。以誠其意。正心修身。以齊其家。若夫正朝廷。正百官。以正萬民。則自是而推之耳。夫音扶朝音朝

人主必昭儉德。以照臨百官。清心寡欲。不殖貨利。而

用君子立乎朝廷。則寵賂之門自塞矣。

朝音潮賂音路塞悉則切

人君莫大乎修身。而修身莫先於寡欲。欲誠不行。則

心虛而善入。氣平而理勝。動無非禮。事無不善。唐虞

之治。不越此矣。

並通鑑綱目

太平之君。惟無欲。然後能持盈守成也。

修德者。務細行。圖治者。防未然。君子所以貴於見幾

而作。

並讀史管見。胡孟切幾音機。

胡宏曰。聖人執天之機。惇叙五典。庸秩五禮。順是者章之以五服。逆是者討之以五刑。調理萬物。各得其所。人君盡下。則聰明開。而萬里之遠。親於衽席。偏信則昏亂。而父子夫婦之間。有遠於萬里者矣。人君欲救偏信之禍。莫先於窮理。莫善於寡欲。窮理寡欲。交相發者矣。社忍審切

義理群生之性也。義行而理明。則群生歸仰矣。愛敬兆民之心也。敬立而愛施。則人心誠敬矣。感應鬼神之情性也。誠則能動。而鬼神來格矣。應去聲

天下有三大。大本也。大幾也。大法也。大本。一心也。大

幾。萬變也。大法。三綱也。有大本。然後可以有天下。見大幾。然後可以取天下。行大法。然後可以理天下。音幾

聖人者。以一人理億兆之德性。息其爭奪。遂其生養者也。

誠者。天之道也。心涵造化之妙。則萬事畢應於彼。夫懷之以恩。令之以義。憚之以威。結之以信者。末矣。應去

音扶

人君不可不知乾道。不知乾道。是不知君道也。君道何如。曰。天行健。人君不可頃刻忘其君天下之心也。

如天之行。一息或不繼。則天道壞矣。

聖人周萬務而無為。故博施濟眾。不期應於物而物

應。功用配天地。悠久無疆。而人道立矣。施應並去聲

聖人尚賢。使民知勸。教不能使民不爭。

處之以義而理得。則人不亂。臨之以敬而愛行。則物

不爭。守之以正。行之以中。則事不悖。而天下理矣。處上

聲悖音倍

為天下者。必本於理。義理也者。天下之大體也。義也

者。天下之大用也。理不可以不明。義不可以不精。理

明。然後紀綱可正。義精。然後權衡可平。紀綱正。權衡

平。則萬事治。百姓服。四海同。

由道義而不舍。禁勢力而不行。則人心服。天下安。舍音捨

捨

聖人順萬物之性。博五典。庸五禮。章五服。用五刑。賢

愚有別。親疎有倫。貴賤有序。高下有等。輕重有權。體

萬物而昭明之。各當其用。一物不遺。聖人之教。可謂

至矣。並胡子知言。○博都昆。切。別必列。切當去聲。

良心光於一身。通於天地。宰制萬物。統攝億兆之本

也。宋史

陳邦彥曰。仁德者治之本也。功利者治之效也。大有為

之君務其本而效自至。不有無其本而效至者也。

黃中曰。用人而不自用者。治天下之要道也。以公議進

退人才者。用人之要道也。察其正直。納忠。阿諛。順旨

者。辨君子小人之要道也。廣開言路者。防壅蔽之要

道也。考核事實者。聽言之要道也。量入為出者。理財

之要道也。精選監司者。理郡邑之要道也。痛懲賍吏

者。恤民之要道也。求文武之臣。面陳方略者。選將帥

之要道也。稽考兵籍者。省財之要道也。監平聲當去聲稽堅矣切

陳俊卿曰。為國之要有三。曰用人。曰賞功。曰罰罪。而所

以行之者一。曰至公而已。

人主以兼聽為美。而存心必本於至公。並朱子文集

虞允文曰。人君必畏天。必安民。必法祖宗。宋史

李宗勉曰。守公道以悅人心。行實政以興治功。謹命令

以一觀聽。明賞罰以示勸懲。綱通鑑

李侗曰。治道必以明天理。正人心。崇節義。厲廉恥為先。

本末備具。可舉而行。非特空言而已。

朱子曰。政者為治之具。刑者輔治之法。德禮者出治之

本。而德又禮之本也。

凝情恭默。深監古先。日與大臣講求政理。可否相濟。

惟是之從。必使發號施令。無一不出乎朝廷。進退人

才無一不合乎公論。不為偏聽。以啓私門。則聖德日新。聖治日起。而天人之應。不得違。釁孽之萌。不得作。

矣。

朝音潮。應去聲。釁許應切。孽子魚列切。

天地之大。無不生育。固為萬物之父母矣。人於其間。又獨得其氣之正。而能保其性之全。故為萬物之靈。若元后者。則於人類之中。又得其正氣之盛。而能保其全性之尤者。是以能極天下之聰明。而出乎人類之上。以覆冒而子畜之。是則所謂作民父母者也。

敷覆

救切畜許六切

古先哲王欲明其德於天下者。莫不一以正心為本。

天下之事在於一人。而一人之身其主在於一心。故人主之心一正。則天下之事無有不正。人主之心一邪。則天下之事無有不邪。

綱紀不能以自立。必人主之心術公平正大。無偏黨反側之私。然後綱紀有所繫而立。君心不能以自正。必親賢臣。遠小人。講明義理之歸。閉塞私邪之路。然後乃可得而正也。

並文集○遠去聲塞悉則切

此心曠然無一毫私意。直與天地同量。便有天下為

一家。中國為一人底意思。

心學○思去聲

張敬夫曰。德者所以為民極也。

國之所以為國者以天叙天秩實維持之也為國者志存乎典禮則孝順和睦之風興協力一心尊君親

上其強孰禦焉性理群書

善政立而後善教可行所謂富而教之也學心

先王之治所以建事立功無不如志以其服中之誠

足以感格天人之無間也朱子文集○間去聲

蔡沉曰二帝三王之治本於道二帝三王之道本於心

得其心則道與治固可得而言矣書序

劉珙曰人君能循天下之理然後有以得天下之心而立天下之事然非至誠虛己兼聽並觀使在我者空

洞清明而無一毫物欲之蔽亦未有能循天下之理

者也朱子文集

廖剛曰若意誠心正以照臨百官則是非不紊奸邪洞

見天下之弊可次第革矣言行錄

真德秀曰聖明之君德度如天媚之而不喜激之而不

怒者其庶免於讒賊之害乎說劍成切

為人上者心正意誠私邪不能蔽公聽並觀信任無

所倚則雖懸壺於震霆雨雪消於見晛雖有善為護

者且不敢為矣此人主守約之方也懸壺音癡味壺質涉切晛音現

人君為天下民物之主痒癢疾痛孰非同體故君道

必至於仁而為仁必極其至。辨於何章曰

為人君者不以己之樂為樂而以天下之樂為樂不

以己之憂為憂而以天下之憂為憂。樂音

人主之心養之以理義則明蔽之以物欲則昏

人主之心與天地相為流通而善惡吉凶之符甚於

影響。

居中而制萬事者心也。古先聖王必於此乎用力。故

一心正而萬事莫不正。

有修德之實心然後有修德之實事。有愛民之實心

然後有愛民之實事。未有無是心之實而能有其事

之實者也。並大學子衍義

湯漢曰。任天下之大。立心不可不公。守天下之重。持心

不可不敬。本傳

趙景緯曰。清其天君以端出治之源。謹其號令以肅紀

綱之本。毋牽於私恩而撓公法。毋遷於迹言以亂舊

章。宋史

呂祖謙曰。人主常與慈祥篤實之人處。其所以興起善

端。涵養德性。鎮其躁而消其邪。日改月化。有不在言

語之間者矣。心學。處上聲。

心學曰。天地以生物為心。聖賢以生民為心。

吾心存養于中。天德也。擴充于外。王道也。天德貴乎存養。而莫先乎慎獨。王道貴乎擴充。而莫大乎絜矩。

擴苦郭切  
絜奚結切

君臣同心。君民同心。天下治矣。同則治。異則亂。是故大同之為貴。

人君心有所主。靜而寡欲。動必循理。則志氣清明。處

事無失。處上聲

人君皆思所以平天下也。然必心平而後政平。政平則事無不平。而天下治平矣。

雨露無心於潤物也。而物無不潤。雨露不自以為潤

也。日月無心於照物也。而物無不照。日月不自以為明也。人君臨照天下。潤澤生民。其心之妙用。即造化之妙用矣。

人君之心。未有不以生民為心者也。一有以蔽之。則不能推此心于天下。而不得以遂其生者衆矣。

人主一心。經綸天下。一日萬幾。無非天事也。朝夕存養。威神流通。榮衛然後澄心靜慮。簡以御煩。靜以制

動。寡以服衆。則天事皆可從而理矣。幾音機

人君無常心。民憂亦憂。民樂亦樂。惟以民心為心。而

已。樂音洛



人君上合天心。下得人心。有道乎。曰有。敬而已。

人君之治天下也。必本於理義。理也者。心之全體也。

義也者。心之大用也。理不可以不明。義不可以不精。

上而三代。下而漢唐。三國東西。晉南北朝。以至于隋。

唐五代。宋遼金元。真與口。未有不心存乎理義。其

敗亡也。未有不心汨於口。

帝王以仁義為心。而口尚詐力。心術先壞。豈能正

人。

政者正也。所以正人之不正也。知所以正其心。則其

身正矣。法制禁令云乎哉。

易之臨卦。六五之爻辭曰。知臨。大君之宜吉。孔子於

小象獨以行中之謂釋。大君之宜。何哉。為君不患其

不知也。知而非中。失之過則或苛察。以為知。失之不

及則或未有所知。而自以為知。皆非君道之當然也。

舜之大知。而曰用中。湯之勇智。而曰建中。大君之宜。

必如此。然後稱也。天下之大。豈知力所能與於其間。


哉。秦隋之幸。徒以術數相牢籠。以權謀詐力相雄長。

亦自謂知矣。而不知大君之體。不知是也。吾聖人之

所謂知臨。非徒知術之情。惟行中之為貴。此大君所

以不可不明心學也。所知知大之知如字餘並去聲苛寒歌切稱與並去聲

聖學心法卷一



聖學心法卷一

聖學心法卷一  
五十七